

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**SA TRIDESETE SJEDNICE GRADSKOG VIJEĆA TUZLA ODRŽANE 31.  
AVGUSTA 2023. GODINE U POSLOVNOM OBJEKTU „GRAFIČAR“ SA  
POČETKOM U 10,00 SATI.**

**- SJEDNICI PRISUSTVUJE 30 VIJEĆNIKA.**

**U Tuzli, avgust 2023. godine**

## **NATAŠA PERIĆ – predsjedavajući Gradskog vijeća Tuzla**

Pozivam vijećnike da uđu u salu.

(Intoniranje himne Bosne i Hercegovine.) Poštovani vijećnici Gradskog vijeća Tuzla, obrađivači materijala, predstavnici medija, otvaram 30. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća sjednici prisustvuje 30 od ukupnog broja vijećnika. Za današnju sjednicu, svoj izostanak je najavio vijećnik Zijah Rifatbegović. Predlažem da mu opravdamo odsustvo.

Obavještavam vijećnike da je Gradska organizacija Socijaldemokrata BiH - SD BiH Tuzla 15.8.2023. dostavila obavijest da je predsjednik Kluba vijećnika Socijaldemokrata BiH - SD Bosna i Hercegovina Tuzla u Gradskom vijeću Tuzla Aleksandar Vujadinović, a zamjenik predsjednika Nedim Bijedić.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 29. redovne sjednice Gradskog vijeća Tuzla, održane 10. jula 2023. godine.

Da li ima primjedbi na Zapisnik sa prethodne sjednice?

Ako nema, molim vijećnike da se izjasne o Zapisniku sa prethodne sjednice.

Zbog novog...Aha. Ja se izvinjavam. Samo novom kolegi vijećniku Bijediću da kažem. Što se tiče tastera, znači, broj 1 je za, 2 je protiv i 3 je suzdržan. Eto.

## **SLADANA KRAJINA – sekretar Gradskog vijeća Tuzla**

Evo, ja ću samo da pojasnim. Znači, vijećnik Nedim Bijedić je danom pravosnažnosti odluke Centralne izborne komisije i dobijanjem uvjerenja Centralne izborne komisije postao vijećnik Gradskog vijeća i od tog momenta ima sva prava i obaveze vijećnika (NATAŠA PERIĆ – Znači, neće sad glasati). Što znači, što znači, da, da glasa. Ja jedino sugerisem kad je u pitanju zapisnik (NATAŠA PERIĆ – Molim vas malo tišine) da bude suzdržan zato što nije prisustvovao sjednici sa koje se usvaja zapisnik. Molim? Pa, ali on ne postaje vijećnik polaganjem zakletve. To je svečani čin, nego vijećnik postaje pravosnažnošću odluke Centralne izborne komisije. (NATAŠA PERIĆ – Znači, sad glasa). Sad glasa. (NATAŠA PERIĆ – Znači, najbolje suzdržan). Ali, znači, sugerisala sam da bude suzdržan samo kod zapisnika.

## **NATAŠA PERIĆ**

Dobro. Molim vijećnike da se izjasne o Zapisniku sa prethodne sjednice.

E molim vas sad da glasamo o Zapisniku.

Glasanje je okončano.

Konstatujem da je Zapisnik sa prethodne sjednice Gradskog vijeća Tuzla usvojen sa 29 glasova za, niko nije bio protiv i 1 suzdržan.

Za današnju 30. redovnu sjednicu Gradskog vijeća Tuzla predlažem Dnevni red koji ste dobili u materijalu za sjednicu.

Gradonačelnik Grada Tuzle je u poslovničkom roku, 28.08.2023. dostavio prijedlog da se u Dnevni red 30. redovne sjednice Gradskog vijeća uvrste tačke pod nazivom:

- RAZMATRANJE I DONOŠENJE ODLUKE O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI i

- RJEŠENJE O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI.

Prijedlog gradonačelnika ste dobili putem maila kao i u materijalu koji vam je podijeljen neposredno pred početak sjednice.

Sada stavljam na izjašnjavanje pročitane odluku, prijedlog odluke i rješenje.

Molim vijećnike da se izjasne i takođe predlažem da se navedena akta razmatraju u okviru tačke 7. Dnevnog reda, kao podtačke b) i c), a ostale tačke da se pomjere.

Glasanje je okončano.

Konstatujem da je prijedlog gradonačelnika Grada Tuzle da se u Dnevni red 30. redovne sjednice Gradsog vijeća Tuzla uvrste tačke pod nazivom:

- RAZMATRANJE I DONOŠENJE ODLUKE O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI i

- RJEŠENJE O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI, usvojene sa

30 glasova za, niko nije bio protiv i nije bilo suzdržanih i razmatraće se u okviru tačke 7. Dnevnog reda, kao podtačke b) i c).

Vijećnik Senad Mehmedinović, je u poslovničkom roku, 28.08.2023. dostavio prijedlog da se u Dnevni red 30. redovne sjednice uvrsti tačka pod nazivom: ZAHTJEV MINISTARSTVU UNUTRAŠNJIH POSLOVA TUZLANSKOG KANTONA DA OBAVEZNO U VEČERNJIM SATIMA BUDU REDOVNE PATROLE POLICAJACA NA DJEČIJIM IGRALIŠTIMA – POSEBNO NA IGRALIŠTU „SLATINA“.

Evo pozivam kolegu Mehmedinovića da se obrati vijećnicima vezano za ovaj prijedlog. Izvolite.

### **SENAD MEHMEDINOVIĆ – vijećnik Pokreta demokratske akcije**

Hvala ljepo. Ja povlačim prijedlog ove tačke Dnevnog reda, s tim da ispred Kolegija ode prijedlog zaključka koji u sklopu obrazloženja ovog zahtjeva koji sam prosljedio. Hvala.

### **NATAŠA PERIĆ**

Dobro. Mi smo ovo na vanrednom kolegiju se dogovorili, je li tako? Hvala vam. Znači, konstatujem da ste povukli ovu tačku, a ispred Kolegija će otići inicijativa.

Služba za komunalne poslove, izgradnju i poslove mjesnih zajednica je u poslovničkom roku, 29.08. dostavila prijedlog da se u Dnevni red 30. redovne sjednice Gradsog vijeća Tuzla uvrsti tačka pod nazivom:

- RAZMATRANJE I DONOŠENJE RJEŠENJA O IZMJENI I DOPUNI RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLA.

Ovo ste dobili putem maila, kao i u materijalu koji vam je podijeljen, pa molim vijećnike da se izjasne. I ova tačka će se razmatrati kao tačka 8.

Glasanje je okončano.

Konstatujem da je usvojen prijedlog za dopunu RAZMATRANJE I DONOŠENJE RJEŠENJA O IZMJENI I DOPUNI RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLA, koji će se razmatrati u okviru tačke 8. usvojen sa

30 glasova za, niko nije bio protiv i nije bilo suzdržanih.

Sada stavljam na izjašnjavanje Dnevni red u cjelini.

Molim vijećnike da se izjasne.

Glasanje je okončano.

Konstatujem da je Dnevni red u cjelini usvojen sa

30 glasova za, nije bilo protiv i nije bilo suzdržanih.

## **D N E V N I R E D**

**- Usvajanje Skraćene verzije Zapisnika sa 29. redovne sjednice Gradskog vijeća Tuzla, održane 10.07.2023. godine**

### **I DIO – SVEČANI**

**1. RAZMATRANJE IZVJEŠTAJA MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE/SREDIŠNJEG IZBORNOG POVJERENSTVA BOSNE I HERCEGOVINE O PRESTANKU MANDATA I DODJELI MANDATA SLJEDEĆEM KVALIFIKOVANOM KANDIDATU SA LISTE SOCIJALDEMOKRATE BOSNE I HERCEGOVINE SDBIH (ODLUKA BROJ: 06.1-07-1-425/23 OD 20.07.2023. GODINE)**

### **II DIO – RADNI**

**1. VIJEĆNIČKA PITANJA I INICIJATIVE**

**2. RAZMATRANJE I USVAJANJE:**

**a) IZVJEŠTAJA O IZVRŠENJU BUDŽETA GRADA TUZLA ZA PERIOD 1. 1. - 30. 6. 2023. GODINE**

**b) IZVJEŠTAJA O KORIŠTENJU SREDSTAVA TEKUĆE REZERVE ZA PERIOD 1. 1. - 30. 6. 2023. GODINE**

**c) POLUGODIŠNJI IZVJEŠTAJ O REALIZACIJI ODOBRENIH INVESTICIJA GRADA TUZLE ZA PERIOD 01.01. DO 30.06.2023. GODINE**

**3. RAZMATRANJE:**

**a) ZAHTJEVA NADLEŽNIM ORGANIMA ZA PODUZIMANJE HITNIH MJERA NA SUZBIJANJU NASILJA, TORTURE I UZNEMIRAVANJA SVIH OSOBA A NAROČITO ŽENA**

**b) INFORMACIJE O AKTIVNOSTIMA GRADA TUZLE NA PREVENCIJI NASILJA NAD ŽENAMA I PODRŠCI ŽENAMA ŽRTVAMA NASILJA**

**4. RAZMATRANJE I USVAJANJE:**

a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA RSD "SLOBODA" TUZLA

b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA "BINGO" D.O.O. TUZLA

c) ODLUKE O DODJELI U ZAKUP POSLOVNE PROSTORIJE NEPOREDNOG POGODBOM UDRUŽENJU STRELJAČKI INVALIDSKI KLUB "TUZLA"

d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM OBRTNIČKA DJELATNOST – „SERVIS ZA KUĆANSKE APARATE EDO“ VL. PEPIĆ PEĐA, TUZLA

e) ODLUKE O DODJELI U ZAKUP POSLOVNIH PROSTORIJA NEPOREDNOG POGODBOM JU "CENTAR ZA KULTURU" TUZLA

**5. RAZMATRANJE I USVAJANJE ODLUKE O DAVANJU SAGLASNOSTI NA PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE CENTAR ZA SOCIJALNI RAD TUZLA**

**6. RAZMATRANJE I USVAJANJE:**

a) ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA.

b) RJEŠENJE O IMENOVANJU KOMISIJE ZA PROVOĐENJE JAVNOG OGLASA O DAVANJU U ZAKUP POSLOVNIH ZGRADA, POSLOVNIH PROSTORIJA I GARAŽA

**7. RAZMATRANJE I USVAJANJE IMOVINSKO-PRAVNIH AKATA:**

a) ODLUKA O PRIBAVLJANJU NEKRETNINE U VLASNIŠTVO GRADA TUZLE NEPOSREDNOG POGODBOM I DAVANJU SAGLASNOSTI NA ZAKLJUČENJE UGOVORA O PRIBAVLJANJU NEKRETNINE U VLASNIŠTVO GRADA TUZLE

b) ODLUKA O PRODAJI NEKRETNINE U VLASNIŠTVU GRADA TUZLE NEPOSREDNOG POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI

c) RJEŠENJE O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOG POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI

**8. RAZMATRANJE I DONOŠENJE RJEŠENJA O IZMJENI I DOPUNI RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLA**

**9. RAZMATRANJE INFORMACIJE O STANJU I POLOŽAJU NACIONALNIH MANJINA U GRADU TUZLI**

**10. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA ČIJI JE OSNIVAČ ILI SUOSNIVAČ GRAD TUZLA ZA 2022. GODINU:**

a) Tržnice-pijace d.o.o. Tuzla

b) JKP Vodovod i kanalizacija Tuzla

c) Centralno grijanje d.d. Tuzla

d) JKP Komemorativni centar d.o.o. Tuzla

**11. RAZMATRANJE IZVJEŠTAJA KOMISIJE ZA IZBOR I IMENOVANJA**

**12. TEKUĆA PITANJA**

Prelazimo na realizaciju Dnevnog reda. Počinjemo sa:

- **SVEČANIM DIJELOM**

**RAZMATRANJE IZVJEŠTAJA MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE/SREDIŠNJEG IZBORNOG POVJERENSTVA BOSNE I HERCEGOVINE O PRESTANKU MANDATA I DODJELI MANDATA SLJEDEĆEM KVALIFIKOVANOM KANDIDATU SA LISTE SOCIJALDEMOKRATE BOSNE I HERCEGOVINE SD BIH (ODLUKA BROJ: 06.1-07-1-425/23 OD 20.07.2023.)**

Obavještavam vijećnike da je Centralna izborna komisija Bosne i Hercegovine 20.07. donijela Odluku, broj 06-1-07-1-425/23, o prestanku mandata i dodjeli mandata sljedećem kvalificiranom kandidatu, kojom se Damiru Muratoviću vijećniku u Gradskom vijeću Tuzla, izabranom na Lokalnim izborima 2020. godine sa liste političkog subjekta Socijaldemokrate Bosne i Hercegovine SDBiH, utvrđuje prestanak mandata sa danom 03.07.2023., a upražnjeni mandat se dodjeljuje Nedimu Bijediću, sljedećem kvalificiranom kandidatu sa liste političkog subjekta Socijaldemokrate Bosne i Hercegovine SDBiH. Nakon što je navedena odluka Centralne izborne komisije Bosne i Hercegovine postala pravomoćna, Nedimu Bijediću, vijećniku sa liste političkog subjekta Socijaldemokrate Bosne i Hercegovine SDBiH, dodijeljen je mandat.

U skladu sa članom 41. Poslovnika Gradskog vijeća Tuzla, kojim je propisano da Mandatno-imunitetska komisija razmatra izvještaj nadležne izborne komisije o naknadno dodijeljenim mandatima i o tome podnosi izvještaj Gradskom vijeću, obavještavam vijećnike da je Mandatno-imunitetska komisija razmatrala Odluku Centralne izborne komisije Bosne i Hercegovine o prestanku mandata i dodjeli mandata sljedećem kvalificiranom kandidatu, te podnijela Izvještaj Gradskom vijeću Tuzla, koji ste dobili u materijalu za današnju sjednicu.

Pozivam predsjednika Mandatno-imunitetske komisije, gospodina Edina Dedića da pročita Izvještaj Komisije. Izvolite ovdje.

**EDIN DEDIĆ – predsjednik Mandatno-imunitetske komisije**

Poštovana predsjedavajuća, uvaženi gradski vijećnici, dame i gospodo. Kao predsjednik Mandatno-imunitetske komisije sve vas srdačno pozdravljam i koristim se ovom prilikom da vas upoznam sa zaključkom Mandatno-imunitetske komisije.

Mandatno-imunitetska komisija je na sjednici održanoj dana 14.08.2023. godine, donijela sljedeći zaključak.

Mandatno-imunitetska komisija konstatuje da je Centralna izborna komisija Bosne i Hercegovine, odlukom o prestanku mandata i dodjeli mandata sljedećem kvalificiranom kandidatu, broj 06-1-07-1-425/23 od 20.07.2023. godine, utvrdila prestanak mandata sa danom 03.07.2023. godine, Muratović Damiru, vijećniku u Gradskom vijeću Tuzla, izabranom na lokalnim izborima 2020. godine, sa liste političkog subjekta Socijaldemokrate Bosne i Hercegovine, a da je na osnovu Odluke Centralne izborne komisije Bosne i Hercegovine, o dodjeli mandata sljedećem kvalificiranom kandidatu, broj 06-1-07-1-425/23 od 20.07.2023. godine i uvjerenja Centralne izborne komisije Bosne i Hercegovine, broj 06-1-07-1-425/23 od 28.07.2023. godine, upražnjeni mandat vijećnika u Gradskom vijeću Tuzla, dodijeljen Bijedić Nedimu, sljedećem kvalificiranom kandidatu sa liste političkog subjekta Socijaldemokrate Bosne i Hercegovine.

## NATAŠA PERIĆ

U redu. Hvala vam gospodine Dediću.

Sada stavljam na izjašnjenje IZVJEŠTAJ MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE/SREDIŠNJEG IZBORNOG POVJERENSTVA BOSNE I HERCEGOVINE O DODJELI MANDATA VIJEĆNIKU SA LISTE POLITIČKOG SUBJEKTA SOCIJALDEMOKRATE BOSNE I HERCEGOVINE SDBIH.

Molim vijećnike da se izjasne.

Glasanje je okončano.

Konstatujem da je IZVJEŠTAJ MANDATNO-IMUNITETSKE KOMISIJE O ODLUCI CENTRALNE IZBORNE KOMISIJE/SREDIŠNJEG IZBORNOG POVJERENSTVA BOSNE I HERCEGOVINE O DODJELI MANDATA VIJEĆNIKU SA LISTE POLITIČKOG SUBJEKTA SOCIJALDEMOKRATE BOSNE I HERCEGOVINE SDBIH usvojen sa

30 glasova za, niko nije bio protiv i nije bilo suzdržanih.

Pozivam Nedima Bijedića da su skladu sa članom 10. Poslovnika Gradskog vijeća Tuzla (Službeni glasnik Grada Tuzle, drugi prečišćeni tekst, broj 5/22) da svečanu izjavu. Molim Nedima da, evo ovdje ispred stola stane, da se okrene prema zastavi i da ponavlja za mnom svečanu izjavu i vijećnici, naravno, da ustanemo svi.

SVEČANA IZJAVA:

**„Svečano izjavljujem da ću povjerenu dužnost vijećnika obavljati savjesno, pridržavati se Ustava Bosne i Hercegovine, Ustava Federacije Bosne i Hercegovine, Ustava Tuzlanskog kantona i Statuta Grada Tuzla i zalagati se za ljudska prava i slobode i da ću u svim prilikama štiti interese države Bosne i Hercegovine, Federacije Bosne i Hercegovine, Tuzlanskog kantona i Grada Tuzla i ravnopravnosti naroda i građana”.**

U svoje lično ime i u ime svih vijećnika i vijećnica Gradskog vijeća, upućujem Vam srdačne čestitke i molim da potpišete tekst Svečane izjave i da ga predate Stručnoj službi. Evo nek je sa srećom. (Aplauz).

Prelazimo na prvu tačku Dnevnog reda:

### VIJEĆNIČKA PITANJA I INICIJATIVE

Krećemo sa vijećničkim pitanjima. Vijećnik Senad Mehmedinović. Izvolite. Neka se pripremi vijećnik Ovčina.

### SENAD MEHMEDINOVIĆ

Imam dva pitanja.

Prvo pitanje je Službi za komunalne poslove, za izgradnju i poslove mjesnih zajednica: Zbog čega na putu iz pravca Majevice, tj. iz Proboja nedostaje saobraćajna tabla grad Tuzla. Iz pravca Majevice, tj. Proboja nedostaje saobraćajna tabla grad Tuzla koja je bila godinama na tom mjestu. Da li imate informaciju o čemu se radi i da li će biti postavljena ponovo tabla ili da li je u pitanju nešto drugo?

Drugo pitanje jeste takođe Službi za komunalne poslove, za izgradnju i poslove mjesnih zajednica: Zašto nekoliko mjeseci ignorišete inicijativu i ne postavite saobraćajnu tablu za skretanje u naseljenom mjestu Cerik?

U posljednjih osam ili devet mjeseci uputio sam dvije inicijative za postavljanje saobraćajne table Cerik u naseljenom mjestu Cerik. Podsjećam da se naseljeno mjesto Cerik nalazi u gradu Tuzli, iako ispada kao da nije tako i nalazi se u pravcu od Husina prema Kiseljaku, sa jedne strane, te na pravcu Husino – Ljubače, sa druge strane.

Nažalost zbog zanemarivanja inicijative u ovo mjesto mogu samo doći oni koji ga poznaju, dok drugi mogu uz pomoć navigacije.

U razgovoru sa mještanima postavlja mi se pitanje da li se namjerno zanemaruje ovo mjesto i zašto se ne postave table?

Želim da naglasim da zadnjih sedam, deset godina nije bilo table Cerik. Zato bez obzira što se osam mjeseci nije pristupilo ovako kompleksnom problemu i projektu postavljanja dvije table, vjerujem da ćete u interesu mješтана podhitno s obje strane puta Husino – Kiseljak i Husino – Ljubače na skretanju za Cerik postaviti table sa nazivom naseljenog mjesta. Hvala.

## **NATAŠA PERIĆ**

U redu. Hvala. Vijećnik Alen Ovčina. (ALEN OVČINA – Prilažem). Prilažete. Vijećnik Nedžad Jusić. Izvolite. Tri pitanja. Neka se pripremi vijećnica Ana Pejić.

## **NEDŽAD JUSIĆ – nezavisni vijećnik iz reda nacionalnih manjina**

Hvala. Poštovana predsjedavajuća, zamjenici predsjedavajuće, sekretaru, kolege, kolegice, vijećnici i vijećnice, želim da vas pozdravim, kao i druge u sali.

U skladu sa Poslovníkom o radu Gradskog vijeća Tuzla postavljám vijećničko pitanje Javnoj ustanovi „Naše dijete“ Tuzla, a sljedeće: Šta su konkretno djeca dobila kao benefit od vaših usluga, a na osnovu zadnjeg poskupljenja za usluge boravka djece u vrtićima?

Kao što nam je poznato u jednoj od prethodnih sjednica, mi smo povećali dali saglasnost da se cijena poveća jednostavno boravka djece (NATAŠA PERIĆ – Molim vas malo tišine), boravka djece u vrtićima, a između ostalog, evo imam i pritužbu od nekih roditelja da djeca ništa nisu osjetili nikakav benefit, čak i u nekim slučajevima da su se smanjile usluge, da djeca dobijaju dovoljno vitamina u hrani, odnosno šta im odgovara, ali ne bih sad o tome govorio o hrani koju djeca dobijaju u vrtiću. Jednostavno da mi se samo dostavi, ovaj, odgovor na ovo pitanje, šta su konkretno djeca dobila kao benefit u vrtićima, a na osnovu poskupljenja, jer nije malo na kraj krajeva mjesečno, ja mislim da smo, da je se poskupilo 40, 50 maraka. Ipak to nije malo po jednom djetetu.

Drugo vijećničko pitanje jeste upućeno vjerskim zajednicama u gradu Tuzla, a odnosi se na sljedeće: Kolike su vjerske usluge za dženazu, odnosno sahranu za korisnike stalne novčane pomoći? Znači, za ona lica kojima je priznato pravo na stalnu novčanu pomoć od nadležnih institucija za svako mezarje, groblje pojedinačno, jer jednostavno prema mojim informacijama da je izuzetno skupo, ovaj, da se naplaćuje od lica koje je od porodice umrlog lica koji je bio u stanju socijalne potrebe, koji je imao, ovaj, rješenje od Centra za socijalni rad. Sad ne bi govorio kolke su te cijene. A ovo proizilazi iz toga, jer sam u namjeri da podnesem jednu inicijativu Ministarstvu za rad i socijalnu politiku, kao i gradonačelniku, da u ranijem periodu razmotre mogućnost da se pomogne tim porodicama ukoliko se može, da se pokriju i ti troškovi, jer jednostavno ne mogu ni pokrenut inicijativu, ne znam koliko ću tražit finansijskih sredstava da se poveća u budžetu ili u zakonu, dok ne dobijemo konkretne informacije od vjerskih zajednica, koliko je to u stvari finansijskih sredstava, a porodice moraju platiti za umrlu



osobu, da bi obavili vjerske usluge. Na žalost, ovo je tabu tema u mnogim i medijima i kod svih drugih. Niko ne želi da ulazi u ovaj problem. Al evo, ja moram, na kraj krajeva, jer i ja imam pritisak od porodica mnogih u gradu Tuzla, jednostavno kada neko član porodice preseli, umre, jednostavno vjerske usluge malo više sredstava traže, ovaj, barem po mom mišljenju, al to ćemo dobiti, ja se nadam da ćemo dobiti napismeno od vjerskih zajednica.

Treće vijećničko pitanje je upućeno Javnoj ustanovi Centar za socijalni rad Tuzla. Znači, u skladu sa Poslovníkom o radu Gradskog vijeća Tuzla postavljám vijećničko pitanje: Kada je i pod kojim uslovima u radni odnos gospođa Saletović Enida i na osnovu čega je dobila radno mjesto rukovodioca Službe socijalne zaštite i starateljstva? Molim da mi se dostavi kompletna dokumentacija i hronologija zapošljavanja i unapređenja pomenute, kao i opis poslova koje obavlja.

Od mnogih korisnika socijalne zaštite Centra za socijalni rad Tuzla, a i sam sam se uvjerio kao građanin grada Tuzle da gospođa Saletović ne obavlja profesionalno svoj posao ,te smatram da nema kompetencije niti kapaciteta da bude na radnom mjestu na kojem se nalazi, jer po mom mišljenju ima usađene predrasude prema ugroženim kategorijama, a postavljena je na radno mjesto sa kojeg treba da ima empatiju i da u skladu sa pozitivnim zakonskim propisima pomaže istima, obavljajući svoje radne zadatke. Arogancija, pogled sa visine na ljude kojima je stvarno potrebna pomoć, ne donosi prosperitet ovom gradu, niti napredak ovom gradu, kao ni Javnoj ustanovi Centar za socijalni rad Tuzla. Stvarno mi nije jasno da takva jedna osoba može napredovati i da postane rukovodilac Službe socijalne zaštite starateljstva.

I još jednom pozivám direktoricu da obrazloži zbog čega je ta osoba postavljena za rukovodioca Služba? Hvala.

## **NATAŠA PERIĆ**

U redu. Hvala. Vijećnica Ana Pejić. Izvolite. (ANA PEJIĆ – Prilažem). Prilažete. Vijećnica Sabiha Mujkanović Mujačić. Izvolite.

## **SABIHA MUJKANOVIĆ MUJAČIĆ – samostalni vijećnik**

Zahvaljujem predsjedavajuća. Ja imam tri vijećnička pitanja, a najprije da pozdravim sve prisutne i poželim nam ugodnu radnu atmosferu.

Dakle, moje prvo pitanje upućeno je Službi civilne zaštite: Ko vrši nadzor nad radom upravitelja i da li redovno podnose izvještaje koje su dužni podnositi? Zbog sveg već broja pritužbi građana na rad upravitelja i to javno, postavljám ovo vijećničko pitanje. Piše se sve više o većim problemima Odbora etažnih vlasnika sa pojedinim upraviteljima i neka od pitanja koja su postavljena su sljedeća:

Da li se koliko i kako provjeravaju svi kriteriji za registraciju djelatnosti upraviteljstva? Obavljaju li nadležne službe kontrolu u zgradama i koliko često? Provjeravaju li se izvještaji o kontrolnim tromjesečnim pregledima zgrada, a koji ih upravitelj uopće vrši? Ako je jedna od zakonskih obaveza upravitelja kvartalno i godišnje finansijsko izvještavanje etažnih vlasnika, kako je moguće da upravitelj to ne radi? Kakva je kazna utom slučaju? Mene lično zanima imamo li mi kakvu povratnu informaciju od predstavnika etažnih vlasnika koliko su zadovoljni radom upravitelja? Ukoliko nemamo, smatram da bi to trebalo promijenit u narednom periodu.

Druga dva vijećnička pitanja upućujem Službi za komunalna pitanja, pitanja i poslove mjesnih zajednica i Vodovodu i kanalizaciji Tuzla: Kada se planira uraditi asfaltiranje kod mosta u Slavinovićima i u ulici VI bosanske brigade, gdje kažu da je put uzurpiran i isječen radovima Vodovoda i kanalizacije, a već duži vremenski period je ostavljen u raskom stanju? Eto toliko. Zahvaljujem.

## **NATAŠA PERIĆ**

U redu. hvala. Vijećnici Anel Ibeljić i Ana Pejić. (ANEL IBELJIĆ – Prilažemo). Prilažete. Vi imate dvije, dva pitanje, jel tako? (ANEL IBELJIĆ – Tri). Tri? (ANEL IBELJIĆ – Ja, tri). I Ana ima...Dobro. Jedan, dva. Samo malo. Jedna, dvije, tri. Tri imate. Tri. Vas dvoje zajedno. (ANEL IBELJIĆ – Da). OK. U redu. Prvo se javila vijećnica Selma Čatibušić, pa onda vijećnik Omer Delalić, pa ćemo onda Omer Berbić.

### **SELMA ČATIBUŠIĆ – vijećnik Platforme za progres**

Dobar dan svim kolegicama i kolegama i svim ostalim gostima.

Moje prvo vijećničko pitanje odnosi se na dostavljanje informacija o sigurnosnom stanju u našem gradu, tj. kada je u pitanju nasilje u porodici, periodu od prethodne dvije godine, tačnije u periodu od početka 2022. godine pa sve do danas, te molim da mi se dostavi informacija o broju prijava nasilja. Koliko je nasilja prijavljeno od strane muškaraca prema ženama? Koliko je od žena prema muškarcima? I od strane odraslih osoba prema maloljetnim licima kada je u pitanju porodično nasilje? Molim da mi se dostavi informacija o tome koja je procedura koja postoji kada se nasilje u porodici prijavi? Tačnije, šta su sve policijski službenici dužni uraditi?

I na kraju molim za informaciju o tome u slučajevima gdje se koristilo oružje, u koliko je slučajeva oružje bilo u legalnom a koliko u nelegalnom posjedu, obzirom na to da nam je svakako bitna informacija da se dođe do statističkih podataka ukoliko u našim domaćinstvima u Bosni i Hercegovini zapravo posjeduje se oružje, a da ne govorimo o nelegalnom posjedovanju oružja? Svjedoci smo nažalost realizaciji najtragičnijih mogućih scenarija eskalacija nasilja u porodici na području Tuzle, Tuzlanskog kantona i cijele naše države. Mišljenja sam da ukoliko se želi napraviti pomak u sistemskom rješavanju ovih pojava, prvenstveno moramo znati kakvo je stvarno stanje.

Shodno tome, molim da dostavite odgovore na postavljena pitanja da bi građanstvo našeg grada ili kantona imalo precizne statističke podatke i stvarnu sliku stanja naše lokalne zajednice.

Naravno, pitanje upućujem Ministarstvu unutrašnjih poslova Tuzlanskog kantona. Hvala.

## **NATAŠA PERIĆ**

U redu. Hvala. Vijećnik Omer Delalić. Neka se pripremi vijećnik Berbić.

### **OMER DELALIĆ – samostalni vijećnik**

Hvala predsjedavajuća. Ova pitanja postavljam Službi za komunalne poslove. Zahtjevam od Službe da u što kraćem vremenu sanira udarne rupe u ulici Nesiba Malkića. Pogotovo dvije na samom početku ove ulice kod prodavnice „Palavrić“. (NATAŠA PERIĆ – Jel ovo izvinite pitanje ili inicijativa?) Pitanje. (NATAŠA PERIĆ – Aha). Radi se o izuzetno frekventnoj ulici u kojoj se ide u još nekoliko ulica. Panorama, Vršani i Vakufska. I potrebno je što prije uraditi rekonstrukciju pošto se svakodnevno oštećuju motorna vozila i otežava saobraćaj u ovoj ulici.

I drugo. Javili su mi se stanovnici Fočanske ulice sa zahtjevom da se postave saobraćajni znakovi ograničenja brzine i dozvoljene težine vozila. Radi se o nedavno rekonstruisanoj ulici, mislim prije tri godine i smatraju da se ovim dijelom saobraćaja saobraćaju kamioni prekomjerne težine, zbog čega već postoje oštećenja na novom asfaltu. Hvala.

## **NATAŠA PERIĆ**

Al ovo su inicijative. To nije pitanje. Izvinite. (OMER DELALIĆ – Dobro. Izvinjavam se. Dobro). Izvinite, mislim. Al da znate. Možda ste...(OMER DELALIĆ – Nek idu pod inicijative). Biće pod inicijative. OK. Prebacićemo. Vijećnik Omer Berbić. Izvolite.

### **OMER BERBIĆ – vijećnik Naše stranke**

Ja imam tri pitanja.

Prvo je: Da li MUP u Tuzli radi akcije za kontrolu buke od motora u kasnim noćnim satima na području grada Tuzle? Obrazloženje ću priložiti.

A drugo moje vijećničko pitanje jeste pitanje: Šta se dešava sa odlukom uređenja vanlinijskog prevoza u gradu Tuzla? To je odluka koju smo mi ovdje u nacrtu donijeli prije, ja mislim možda čak dva, tri mjeseca i ona je trebala ići u javnu raspravu i do sada se možda čak trebalo doći na usvajanje. Pa evo zanima me šta se dešava sa tom odlukom? Da li se odustalo od te odluke? I da li će se ići u pravcu usvajanja te odluke?

I treće moje vijećničko pitanje: Da li je moguće staviti usporivače brzine na više lokacija u gradu? Stavio sam ovdje koje su to lokacije. Uglavnom i to ću obrazložiti priložit. Hvala lijepo.

## **NATAŠA PERIĆ**

U redu. Hvala Omere. Vijećnik Hasib Hirkić. Izvolite.

### **HASIB HIRKIĆ – samostalni vijećnik**

Vijećničko pitanje ide direktoru Doma penzionera. Postavio sam znači vijećničko pitanje prije par mjeseci, te do današnjeg dana nisam dobio odgovor, pa pitam, zašto nisam dobio odgovor na pitanje? (NATAŠA PERIĆ – Pa dobili ste. Morali ste dobit). Nisam dobio, tako da ne bih postavio pitanje. (NATAŠA PERIĆ – Ja imam...Mislim dobili ste. Morali ste dobit zato što sam i ja dobila). (SLAĐANA KRAJINA – Ako je jedan vijećnik dobio svi su dobili.). (NATAŠA PERIĆ – Svi su. Al ja mislim da je vama u materijalu svima podijeljeno. Pogledajte. Ne ozbiljeno). Ja nemam tog odgovora. (NATAŠA PERIĆ – Ima sigurno. Zato što je podj...Ovo smo dobili uz materijale). Jer očekujem taj odgovor, s obzirom da treba poduzet neke naredne korake, al taj odgovor očekujem svako Vijeće. (NATAŠA PERIĆ – Taj korak je... Čuj mene taj korak). Evo i ako je poslao...(NATAŠA PERIĆ – Jest). Zamolio bih da ponovo mi pošalje. (NATAŠA PERIĆ - Nema problema). Evo, evo neka je moja krivica, al kaem nisam dobio, jer svaki put materijale pregledam i čekam taj odgovor. (NATAŠA PERIĆ – Ne, ne u ovo materijalu, nego kad smo dobili ove materijale za Vijeće, bili su odgovori, između ostalog i taj odgovor). Između ostalog, očekujem i svako Vijeće, znači, tražim taj odgovor. Ne mogu da nađem u materijalu. Eto.

## **NATAŠA PERIĆ**

Pa sad je tek došlo. Al hajd nema veze. Proslijedit ćemo. (SLAĐANA KRAJINA – Evo, evo ja ću iz svog materijala). Evo izvucite.

Dal još neko ima od vijećnika da nije vijećničko pitanje priložio, a hoće?

Dobro, ako nema, zamoliću vas da pismeno, znači, do sutra ujutru na mail Gradskog vijeća pošaljete vi koji ste usmeno, ovaj, predložili.

Prelazimo na:

## VIJEĆNIČKE INICIJATIVE

Vijećnik Senad Mehmedinović. Izvolite. Neka se pripremi vijećnik Ovčina.

### **SENAD MEHMEDINOVIĆ**

Da se ne zaboravi da sam s Kiseljaka. Pa, inicijativa Službi za komunalne poslove, izgradnju i poslove mjesnih zajednica. Ne znam koja po redu inicijativa za rekonstrukciju puta Kiseljak – Husino. Kiseljak je jedno od četrdeset mjesnih zajednica grada Tuzle i koja prema zadnjem popisu ima oko 2900 stanovnika. Prema mišljenju mnogih građana, Mjesna zajednica Kiseljak je u posljednjih 25 godina zanemarena, tako da od veoma atraktivne destinacije za mnoge građane Tuzle i Tuzlanskog kantona postalo samo mjesto o kojem se lijepo priča, o prošlosti.

Mjesna zajednica Kiseljak je mjesto u kome su mnogi provodili svoje slobodno vrijeme. Preljep ambijent duž obale jezera Modrac koristili za šetnju, te uživali u ljepoti prirode. Nažalost, zbog veoma loše putne infrastrukture, zanemarenost obale jezera Modrac, Kiseljak je vremenom postao mjesto koje se zaobilazi.

Na relaciji Kiseljak – Husino parcijalno se radio put, tako da je od 5 kilometara putnog pravca urađeno 1 kilometar. Kompletnu dionicu puta od 4 kilometra neurađenog dijela čine ili udarne rupe ili popučo asfalt ili pukotine, što otežava život građana Mjesne zajednice Kiseljak.

Takođe, želim naglasiti da je prije nekoliko dana zbog loše putne infrastrukture vozilo Vatrogasaca se moralo usporeno kretati, a bila je intervencija zbog požara, usljed kojeg je nažalost kuća izgorila.

Zato, pozivam vas da veoma ozbiljno shvatite situaciju u kojoj se nalaze mještani Kiseljaka, te podnosim inicijativu da se uradi rekonstrukcija puta i to na dionici od pružnog prijelaza Kiseljak do Husina. Hvala.

### **NATAŠA PERIĆ**

U redu. Hvala. Vijećnik Ovčina. (ALEN OVČINA – Prilažem). Prilažete. Vi ste imali dvije. Jusić ima. Nedžad Jusić. Izvolite. Molim vas samo malo tišine, a neka se pripremi vijećnica Sabiha Mujkanović – Mujačić.

### **NEDŽAD JUSIĆ**

Hvala. U skladu sa Poslovnikom o radu Gradskog vijeća Tuzla pokrećem inicijativu kanalizacione i putne mreže, odnosno asfaltiranje puta u naselju Krojčica. To je prva ulica od Kartonaže prema Dubravama u dužini od cirka od 350 metara. U ulici Krojčica živi, odnosno u ovom naselju živi oko 40 porodica, koji trenutno koriste makadamski put. Nemaju sprovedenu kanalizacionu mrežu, te često dolazi do teže komunikacije, odnosno saobraćajne komunikacije, a pogotovo prilazu Hitne pomoći i Vatrogasne službe. Djeca kad idu u školu otežano im je kretanje, te često zakasne u školu, jer i same obuće budu prljave, blatnjave, što i djecu dovodi u nezgodnu situaciju.

Smatram da bi sa samo finansijskih sredstava riješili probleme koje imaju mještani ovog naselja, a ja kao vijećnik se takođe stavljam na raspolaganju, da zajedno izlobiramo kod viših nivoa vlasti i donatora da i oni sufinansiraju ovu aktivnost.

Ova inicijativa je upućena Službi za komunalne poslove, izgradnju i poslove mjesnih zajednica.

## **NATAŠA PERIĆ**

Vijećnica Sabiha Mujkanović Mujačić. Izvolite.

### **SABIHA MUJKANOVIĆ MUJAČIĆ**

Zahvaljujem predsjedavajuća. Ja danas imam i tri vijećničke inicijative.

Prva inicijativa je da se razmotri mogućnost postavljanje pametnih reciklomata na više lokacija u našem gradu. To je jedna od najvažnijih pitanja današnjice. Kvalitet našeg života danas i u budućnosti zavisi od toga kako ćemo postupati sa otpadom kao društvo i pojedinci. Prednost recikliranja su ogromne. Već smo o tome neko vrijeme i govorili. Sam proces reciklaže veoma je jednostavan. Građani trebaju da svoju plastičnu, aluminijsku ili staklenu ambalažu odnesu do jednog od reciklomata i ubace u mašinu. Oni imaju pametne softvere. Takođe imaju vlastiti video nadzor i u svakom trenutku su povezani na platformu koja registruje koliko se boca nalazi u mašini.

S druge strane, bilo bi dobro i efektivnije, da građani koji recikliraju, zauzvrat, kao što je primjer na zapadu, dobijaju novac za ambalažu koju recikliraju ili drugi vid nagrade tipa kao što je u Sarajevu, besplatni parking ili ulaznice za Panonska recimo jezera, vaučeri za kupovinu, kao što funkcioniše dakle i u drugim gradovima.

Druga inicijativa jeste inicijativa za sufinansiranje projekta vi mep. Slučajno sam na Facebook-u pročitala, zainteresirala se za ovaj projekat i dakle, vlastito iskustvo i znanje o novim tehnologijama, pomoglo je Eni Kapetanović, dakle, poduzetnici iz Sarajeva da osmisli digitalnu platformu koja se naziva vi mep, koja pomaže osobama sa poteškoćama, da se sigurno kreću bilo kuda i to mapiranjem najboljih ruta za njih, u bilo kojem gradu. Nažalost, slobodno kretanje nije jednako za sve. Dakle, to je platforma koja pomaže osobama sa poteškoćama u kretanju, da se sigurno i nezavisno kreću bilo kuda mapiranjem najboljih ruta u bilo kojem gradu, ponavljam. Aplikacija dakle skuplja podatke. Izračunava najbolju rutu i ovo je čak podržao i UN DP i proveo testno mapiranje sa studentima Srednje Građevinsko – Geodetske škole u Sarajevu i učenici su u roku od sat vremena u centru Sarajeva uspjeli identifikovati više od 150 prepreka za osobe s poteškoćama u kretanju. Javne površine trebaju biti dostupne svima i jedna ovakva platforma može pomoći da u našem gradu znamo šta trebamo mijenjati, kako bi sloboda kretanja bila jednaka za sve i kako bi se izbjegla isključenost ljudi na osnovu fizičke sposobnosti.

Treća inicijativa je vezana za dostavljanje informacija o stanju i dotrajalosti liftova u zgradama na području Tuzle. Dakle, podnosim inicijativu da nam se što prije dostavi informacija o stanju liftova na području grada zbog što većeg broja pritužbi građana na liftove koji ne rade i koji su stariji preko 30 godina. Stalno se kvare. Zanima se sigurnost za upotrebu istih. Zanima me koliko liftova ima na području našeg grada? Starost liftova? Ko je zadužen za održavanje istih, kao i zakonske mogućnosti za sufinansiranje zamjene dotrajalih liftova ili ugradnje novih? Zahvaljujem.

## **NATAŠA PERIĆ**

Hvala. Vijećnik Omer Berbić. (OMER BERBIĆ – Prilažem). Prilažete. Vijećnik Nikica Vidović. Izvolite. Neka se pripremi vijećnik Rastoder.

## **NIKICA VIDOVIĆ – vijećnik Hrvatske demokratske zajednice BiH**

Poštovanje. Pozdrav za sve. Podnosim vijećničku inicijativu kojom se poziva nadležna da su suradnji sa Željeznicama Federacije pristupi čišćenju pruge i propusta za oborinske vode u naselju Brgule. Po informacijama isto nije urađeno preko dest godina.

Obrazloženje: modernizacija grada i povećanje kvaliteta života svima su nam prioritet. Podnesena inicijativa bi uveliko unaprijedila navedeno. Stanovnici Tuzle žele moderniji grad, a to je naša zadaća vijećnika. Inicijativom pozivamo nadležne službe da u suradnji sa Željeznicama Federacije poduzmemo sve korake kako bi se očistila pruga i propuste za oborinske vode u tuzlanskom naselju Brgule. Propusti su začepljeni i kao takvi stvaraju poplave koje uništavaju imovinu, a često stradaju i domaće životinje.

Tražim i očekujem da nadležna gradska služba i gradonačelnik razmotre ovu inicijativu, te žurno pristupi realizaciji iste. U prilogu su fotografije situacije na terenu. Hvala.

## **NATAŠA PERIĆ**

Hvala. Sljedeća vijećnička inicijativa, vijećnik Ćerim Rastoder. Neka se pripremi vijećnica Ana Pejić.

## **ĆERIM RASTODER – samostalni vijećnik**

Uvažena predsjedavajuća, kolegice i kolege vijećnici. Ja imam jednu inicijativu koja je proistekla na prijedlog vijeća roditelja Javna ustanova Osnovna škola „Slavinovići“. Naime, o čemu se radi? Onaj, na prostoru ulice Slavinovići do skoro je duži vremenski period bila policijska stanica koja se odnedavno izmjestila. Od momenta izmještanja te policijske stanice, od semafora u Slavinovićima, pa tamo prema onom mostu prema Hukićima, prolazi svakodnevno dvije tri hiljade vozila i kreću se puno većom brzinom nego što se kretala dok je bila policijska stanica, a s obzirom da se u blizini nalazi Javna ustanova Osnovna škola „Slavinovići“ i da svakodnevno pored, preko te ulice prođe dvjesto tristo učenika, prijedlog njihov je a i moja inicijativa da se sagleda mogućnost da se na tom potezu ondje kod Hotela „Tehnograd“ ili negdje ispred marketa „Bingo“ postavi neki usporivač brzine otprilike asfaltni ležeći policajac jedan ili dva kako bi se zaštitila ta djeca koja prolaze na tom prostoru. Toliko. Hvala.

## **NATAŠA PERIĆ**

Hvala kolegi Rastoder. Vijećnica Ana Pejić. Ona prilaže. Sad zajedničke inicijative Anel i Ana. Isto prilažete. I Anel ima jednu. Vijećnik Hasib Hirkić. Izvolite. Neka se pripremi...Aha, neće se ovi pripremit.

## **HASIB HIRKIĆ**

Ja prilažem inicijativu vezanu za formiranje hitnih pomoći, znači istoka i zapada, ono što sam već dosad i pisao, al bi evo ako je u mogućnosti, s obzirom da su juče bile, znači, velike padavine, ogroman je problem u naseljima ili u ulicama tamo gdje nema, gdje nisu putevi asfaltirani na području grada Tuzla, pa evo ako mogu službe da se malo više aktiviraju po tom pitanju, da se, onaj, saniraju ti putevi, kako bi građani mogli normalno, znači, dolaziti svojim domaćinstvima, kućama i ako nije problem da ponovim inicijativu vezanu za sanaciju dijela puta od kuće Nike Pranjića pa do Rudnika Mramor, s obzirom da je put stvarno u katastrofalnom stanju. Hvala.

## **NATAŠA PERIĆ**

Vijećnici Hasanbašić Admir i ja smo imali dvije inicijative i to prilažemo. I ja ima jednu inicijativu koju prilažem. Vijećnik Alen Kapidžić. Neka se pripremi vijećnica Čatibušić.

### **ALEN KAPIDŽIĆ – vijećnik Socijaldemokratske partije**

Hvala predsjedavajuća. Pozdravljam sve prisutne. Ja šaljem urgenciju za inicijativu za provođenje izmjene Regulacionog plana.

Prva inicijativa je upućena 23.11.2021. godine Službi za prostorno uređenje i zaštitu okoline i Zavodu za urbanizam. I sad evo upućujem urgenciju na tu inicijativu za izmjenu Regulacionog plana prostorne cjeline staro gradsko područje Hendek – Pazar.

Obrazloženje: u ovom Regulacionom planu koji je usvojen u periodu od 2012 – 2016., čini mi se, je u jednom dijelu Regulacionog plana na privatnom zemljištu na kojem već postoji objekat stavljen predviđen gradski park. Našim sugrađanima je nanesena velika šteta iz razloga što on ne može sad ak ni da sruši tu staru kuću i da napravi istu u istim dimenzijama zašto mu ne treba svugdje u svijetu. Inicijativa se odnosi i naravno ovo nije, ja sam ovdje spomenuo Vijeće, jel, ali ovo nije problem Vijeća, jer vijećnici ne treba da znaju kad usvajaju ovakve regulacione plane gdje je privatna zemlja, gdje nije. To je stvar predlagača i nadam se evo da će gradonačelnik zajedno sa Službom riješiti ovu inicijativu vrlo brzo, jer je ovo pitanje koje traje već deset godina i da se ovakve stvari dalje ne dešavaju, jel, a podcrtavam i naglašavam, znači, samo treba da izmijenimo Regulacioni plan u tom dijelu, da sklonimo taj predviđeni gradski park sa tog zemljišta. Hvala.

## **NATAŠA PERIĆ**

Hvala Alene. Dal još...Vijećnica Selma Čatibušić. Izvolite.

### **SELMA ČATIBUŠIĆ**

Ja imam tri vijećničke inicijative, s tim da ću do večeras poslati ove dvije, a ove sam već pripremila.

Prgva vijećnička inicijativa jeste inicijativa izmjene i dopusne Pravilnika o prijemu djece u Javnu ustanovu Predškolski odgoj i obrazovanje „Naše dijete“ Tuzla. Potrebno je da upravni odbor Javne ustanove za Predškolski odgoj i obrazovanje „Naše dijete“ Tuzla izmijeni i dopuni važeći Pravilnik o prijemu djece u Javnu ustanovu za Predškolski odgoj i obrazovanje u kontekstu prepoznavanja sljedećih kategorija djece, i to: djecu osoba sa invaliditetom, djecu korisnika socijalnih primanja, djecu redovnih studenata, kao prioriternih kategorija pri upisu u Ustanovu.

Obrazloženje: U članu 16. Pravilnika o prijemu djece javnu ustanovu „Naše dijete“ Tuzla propisano je da prioritet pri upisu imaju djeca koja su u prethodnoj godini redovno koristila usluge, djeca bez roditelja, samohranih roditelja, roditelja kojima je priznat status nekih od kategorija po osnovu dopunskih prava i boraca, članova njihovih porodica u skladu sa Zakonom o pravima boraca i njihovih porodica. Dalje, djeca koja se nalaze na listi čekanja na dan 31.05. tekuće godine i koja imaju prebivište u općini u kojoj se nalazi vrtić.

Zakon o predškolskom odgoju i obrazovanju utvrđuje u članu 7. da svako dijete ima jednako pravo pristupa i jednake mogućnosti učešća u preškolskom odgoju i obrazovanju bez diskriminacije po bilo kojem osnovu. Jednak pristup i jednake mogućnosti podrazumijevaju obezbjeđenje jednakih uslova i prilika za svu djecu za početak i nastavak daljeg obrazovanja.

Nadalje, prema članu 15. ovog Zakona, funkcija predškolskog odgoja i obrazovanja između ostalog je da obezbijedi uslove za optimalan razvoj svakog djeteta, da pomogne roditeljima u brizi za njegu, zaštitu, razvoj, odgoj i opšte blagostanje djeteta.

Djeca koja žive u porodicama u stanju socijalne potrebe, korisnika prava i socijalne zaštite, romska djeca i dalje, nemaju ni osnovne uslove za optimalan rast i razvoj. U nedostatku roditeljskih kompetencija, didaktičkog i drugog edukativnog materijala, te ne stimulirajućeg okruženja za razvoj djeteta. Optimalan razvoj djeteta i socijalno ugroženih porodica su u velikom riziku, a u najranijoj dobi budu društveno marginalizirana. Izložena različitim oblicima zloupotrebe, odnosno, napuštanju redovnog obrazovanja usljed nedostataka socijalnih vještina i nedovoljno razvijenih psihomotoričkih vještina.

Čak i Zakon o predškolskom odgoju i obrazovanju ove kategorije djece porepoznaje kao posebno ranjive kategorije, te u članu 82 zakonodavac je propisao obavezu kantonalne vlade da sufinansira dio troškova predškolskog odgoja i obrazovanja za djecu bez roditeljskog staranja, djecu sa poteškoćama u razvoju, djecu invalida, samohranih roditelja, korisnika socijalnih primanja, civilnih žrtava rata, djecu redovnih studenata i djecu nezaposlenih roditelja.

Trenutna struktura korisnika usluga naše Ustanove „Naše dijete“ Tuzla je takva da dominiraju djeca čija su obas roditelja zaposlena, odnosno koja u svojoj porodici imaju optimalne uslove za pravilan rast i razvoj. Ukoliko to nije slučaj, nek mi se pismeno dostavi informacija koja opovrgava ovu tvrdnju. Nažalost, djece kojima je ova usluga najpotrebnija, u potpunosti su diskriminisana zbog nevidljivosti u Pravilniku i nemaju jednake mogućnosti u pristupu, te korištenju ovih usluga, ako se između ostalog sufinansiraju iz budžeta Grada Tuzle. Za ovu djecu boravak u predškolskoj ustanovi je jedini privremeni izlaz iz siromaštva, prozor u svijet stvarnog i normalnog djetinjstva i socijalne integracije.

Ova inicijativa je svakako usklađena sa preporukom Komiteta UN-a za prava djeteta i Obdusmena za ljudska prava u Bosni i Hercegovini.

Druga moja vijećnička inicijativa koju upućujem jeste inicijativa prema Graskom vijeću Grada Tuzle, nadležnoj službi i gradonačelniku Grada Tuzle, a odnosi se na to da Grad Tuzla u skorije vrijeme omogući da se napravi jedan manji park koji će biti posvećen žrtvama femicida. Naravno, u dogovoru sa službom bismo se dogovorili, je li, na koji način je to najbolje moguće da se odradi.

I treća vijećnička inicijativa, zapravo predstavlja urgenciju na moju inicijativu koja evo postoji već tri godine i konstantno ponavljam i molim službu da mi ne dostavlja odgovore tipa da mi na neki način to već imamo, a ta inicijativa odnose se da svi spomenici kulture u našem gradu trebaju da budu jasno osvijetljeni, da imaju neki prilaz, da imaju neku pločicu koja će prikazivati i jasno opisivati šta je taj spomenik, ko ga je napravio, dakle, ko je autor i slično. Ta inicijativa ne smatram da traže neke velike finansije iz našeg grada, a na neki način kad dođe neki turisti, moćemo da im pokažemo da i mi imamo ipak neke spomenike kulture, kipove i slično, a da pri tome oni nisu zarasli, da nisu u mraku i da ni mi sami ne znamo zvanično ni ko je autor, ni šta tačno predstavlja i slično. Hvala.

## **NATAŠA PERIĆ**

Hvala. Dal se još neko javlja? Ako ne, kolega Aliću, vi ste htjeli jelde vijećničko pitanje? (vijećnik Mensur Alić govori bez uključenog mikrofona op.a.) Nećete? Pa možete vi usmeno. Nije, ja nisam razumjela.

## **MENSUR ALIĆ – vijećnik Tuzlanske alternative**

Na prošlom Vijeću smo donijeli zaključak da se ne postavljaju pitanja, ovaj, a da se naknadno dostavlja ili inicijative i ja poštujem odluku i zaključak Gradskog vijeća.



## **NATAŠA PERIĆ**

Ništa. Od naredne sjednice ćemo ovo poštovat. Nećemo uvažavat usmeno ništa. U redu. Hvala.

Prelazimo na drugu tačku:

### **RAZMATRANJE I USVAJANJE:**

**a) IZVJEŠTAJA O IZVRŠENJU BUDŽETA GRADA TUZLA ZA PERIOD 1. 1. - 30. 6. 2023. GODINE**

**b) IZVJEŠTAJA O KORIŠTENJU SREDSTAVA TEKUĆE REZERVE ZA PERIOD 1. 1. - 30. 6. 2023. GODINE**

**c) POLUGODIŠNJEG IZVJEŠTAJA O REALIZACIJI ODOBRENIH INVESTICIJA GRADA TUZLE ZA PERIOD 01.01. DO 30.06.2023. GODINE**

Predlagač je gradonačelnik.

Obrađivač: Služba za budžet i finansije.

Materijal su razmatrali: Komisija za ekonomske odnose, Komisija za poduzetništvo, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Ima li potrebe za uvodnim izlaganjem? Nema? Dobro.

Ima li potrebe da se pročitaju izvještaji komisija?

Otvaram raspravu klubova vijećnika.

Vijećnik Anel Ibeljić. Izvolite ispred Kluba SDP-a.

## **ANEL IBELJIĆ – vijećnik Socijaldemokratske partije**

Hvala predsjedavajuća. Sve vas srdačno pozdravljam. Ja ću samo kratko se osvrnut na ovu tačku Dnevnog reda. Prije svega želio bih da zahvalim Službi za budžet i finansije, koja je pripremila ovaj izuzetno iscrpan i obiman materijal, koji obiluje sa pregršt veoma korisnih informacija.

Na strani 1. obrazloženja vidljivo je da su prihodi nažalost manji od planiranih, ali svakako Grad Tuzla nije odgovoran za to, nego viši nivoi vlasti, koji su izvršili projekciju tih prihoda koji smo mi preuzeli. Mišljenja sam da će se u narednom periodu to poboljšati, da ćemo doći u stvari na one prihode koje smo i predvidjeli.

Kad je riječ o rashodima, odnosno o izvršenju budžeta, na strani 12. vidimo da u ovom periodu izvršeni su rashodi u iznosu od gotovo 27 miliona ili 34,12%, odnosno plan, te da su veći za nekih 11,46%, odnosno isti izvještajni period prethodne godine. Ovdje svakako ovo treba uzeti sa rezervom i ovom iznosu dodati iznos koji smo danas dobili, a koji takođe se nalazi na strani 25. ovog obrazloženja budžeta. To su rezervisana sredstva. Sredstva koja su već uzeta, ovaj, u trošenje, koja će se u narednom periodu potrošiti. Naravno, takva je procedura. Te procedure se moraju poštovati, ali svakako da je izvršenjem budžeta veće od 50%.

Kada je riječ o izvještaju korištenja tekuće rezerve, mogu samo kazati da se ova rezerva trošila transparentno i u skladu sa propisima. Hvala.

## **NATAŠA PERIĆ**

Hvala kolegi Ibeljiću. Vijećnik Mensur Alić ispred Kluba Tuzlanske alternative. Izvolite.

## **MENSUR ALIĆ**

Zahvaljujem predsjedavajuća. Ja ću takođe biti kratak, jer i onaj ko se razumije u finansije dovoljno je da pročita izvještaj o izvršenju budžeta i pogotov u obrazloženju gdje je svaka stavka ovdje upisana i mislim da je...Prihodi kad su u pitanju zašto su oni manji u prvih šest mjeseci, ovaj, to je Anel napomenuo, mislim da uvijek svaske godine mislim prvih šest mjeseci budu manji prihodi, ali u narednom periodu, narednih šest mjeseci se, ovaj, prikupi više, pa onda se to izbalansira, tako da želim da pohvalim ovu Službu finansija koja već dugo vremena Suada na čelu ove Službe, koja radi izuzetno svoj posao profesionalno, do kraja i ono, mislim da će bit teško kad ode u penziju za dvije godine da je neko zamijeni, al valjda će nekog, ovaj, iškolovat dotle da je može kvalitetno zamijenit.

Jedino imam primjedbu ovdje samo na, ovo je vjerovatno tehnička greška se desila kada je u pitanju izvršenje korištenja sredstava budžeta, gdje nije dobro obračunato, ovaj, na ovome izvještaju stoji 75.765, a ja sam sabro da je kod mene 78.765, pa ne znam, možda je greška, ali ja sam ovo dvaput preračunavo. Pa bi volio da se to ispravi, da ne bi došlo do...To je ovaj izvještaj o korištenju rezerve budžeta. Tekuće rezerve. Mislim da je to vjerovatno tehnička greška ili u nekom sabiru kompjuter, ovaj, radi onako kako ga nahraniš. On izbacuje take podatke. Evo toliko od mene i hvala.

## **NATAŠA PERIĆ**

Hvala. Dal se još neko javlja ispred klubova (MENSUR ALIĆ – Naravno, daćemo podršku). U redu. Dal se još neko javlja ispred klubova vijećnika?

Zaključujem raspravu klubova vijećnika.

Otvaram raspravu vijećnika.

Vijećnik Omer Berbić. Izvolite. Ispred Naše stranke. Mensure, samo mikrofona.

## **OMER BERBIĆ**

Hvala ljepo. Pa evo, znate kako? Kada dođe novi načelnik, uvijek treba dati dvije pa možda čak i četiri godine da se uđe u neki sistem rada, da se postave svoji šefovi službi i tako dalje, da novi načelnik ima prostora za manevar, da okrene grad u onom pravcu gdje on misli da on treba. I vidi se da je došla svježa krv. Po čemu se to vidi? Kolega Ibeljić je to naveo. Vidi se najviše u činjenici da su rashodi 12% veći u odnosu na isti izvještajni period prethodne godine, što znači da je de facto evo sada kada je došao novi načelnik da su službe 12% više para potrošile, što nije nimalo zanemarivo u odnosu da je, uzimaju u obzir da je to jedna godina mandata. U prvoj godini mandata 12% više potrošit je dobra indikacija da su se službe malo pokrenule. Da su počele da rade svoj posao. Još bolje i da stanje može ići naprijed. I u tome želim da pohvalim evo novog gradonačelnika Lugavića. Nadam se da ćemo iduće godine imati još veći procenat pa da to bude 12% više u odnosu na ovu godinu, pa da ćemo onda za tri do četiri godine imati zaista jednu jako efikasnu gradsku upravu, što u zadnjih 15 godina nije bio slučaj, ali evo Bože moj, vremena se mijenjaju. Dolazi svježa krv i nadam se da će to biti još bolje.

Također, jako je za pohvaliti činjenicu, da kada pogledate ovdje sanacije puteva, vidite da je to većinom u rubnim mjesnim zajednicama. To su mjesne zajednice koje su sistemski zanemarivane bile u zadnjih deset, petnest godina, samim tim što su mjesne zajednice kao osnovna ćelija neke demokratije bile ubijene. Ali evo vidimo gradonačelnik se pojavljuje po rubnim mjesnim zajednicama. Odaziva se na pozive. Još uvijek ne prima građane. To mu zamjerim. Mislim da bi trebao odvojiti jedan dan za primanje građana, ali činjenica da dolazi nam mnogo više manifestacija, da se pojavljuje među ljudima i to je takođe jedna pohvalna

činjenica. Ide se u dobrom pravcu. U pravcu vraćanja povjerenja ljudi u Gradsku upravu Tuzla. To je jedna lijepa indikacija i evo nadam se da će gradonačelnik početi da prima građane. Neću opet ovo zaključkom, ovaj, tražiti da se Vijeće izjasni, pošto se odbilo jedno sedam, osam zaključaka kada sam tražio da gradonačelnik prima građane.

Vidim da se dalo 385.000 maraka za groblje, što je dobro. Ali, želim da postavim pitanje kada ćemo imati potpuno funkcionalno groblje, odnosno kada će se ono otvoriti? Mislim da su rokovi blizu, ako nisu čak ni probijeni. Kada mi možemo ljudima obećati? Puno ljudi me pita kada će napokon biti to groblje i čuo sam da penzioneri neku peticiju pišu ko toga. Zanima me da mi Služba odgovori kada možemo očekivati? Da li je to za jednu, dvije, pet? Na koji način ovo Gradsko vijeće to može puno, puno više pomoći?

Ono što je na neki način porazno ili loše, barem ja nisam mogao da nađem činjenicu, ovdje, da, da, da smo uložili neke, neke velike novce u izgradnju industrijskih zona. Znamo da nam ljudi odlaze. To je većinom radi posla. Ne kada kažem radi posla, ne mislim, ne mislim onaj posao od 500 maraka, nego mi moramo u gradu Tuzla napraviti jednu vrstu ekonomskog parteta. Jednu vrstu ekonomskog jakog razvoja kako bi napravili konkurenciju i digli plate u gradu Tuzla da one ne budu u poduzetnom sektoru, privatnom sektoru 600, 700 maraka, nego da idu na hiljadu tristo, četristo, petsto, dvije, tri hiljade i tako dalje. Zdrave firme znaju o čemu ja ovo pričam i treba da što više ulažemo u industrijske zone. Da se bavimo industrijskim zonama, jer to je ono što nama pravi ekonomski razvoj cijele godine, ne samo dva tri mjeseca ili neke druge fokuse koje imamo. Znači, porazno je, ja mislim da se na tome treba poraditi. Da se treba puno više para utrošiti u industrijske zone kako bi doveli nove firme, jer ja uzadnjih godinu dana nisam vidio otvorenje ni jedne ozbiljnije industrije, odnosno firme koja se bavi industrijom.

Zanima me na stranici 18. Imamo finansiranje javnih ustanova i javnih preduzeća. Vidimo da imamo kapitalne grantove za Dom zdravlja, Dom penzionera i Gradski stadion „Tušanj“ od 100.000, 42.000, 80.000 maraka, gdje iz ostvarenja budžeta otišlo ravno nula maraka. Zbog čega ove pare nisu povučene? I da li se očekuje da će biti povučene do kraja ove godine, uzimajući u obzir da još malo, pa će sezona građenja da spada, zato što će vrijeme postati dosta gore.

Ja bi volio ovdje zaključak Gradsko vijeće da kapitalni grantovi, da Gradsko vijeće zaključkom na neki način traži od ove tri ustanove da iskoriste ove kapitalne grantove do kraja ove godine, da se ne ide u iduću godinu bez neke pretjerane potrebe.

Ja ću se još kratko osvrnuti. Neću se javljati na drugo javljanje. Na izvještaj o korištenju tekuće rezerve za period od 01.01. do 30.06.2023. Zanima me, dvije stvari me zanimaju. Prva stvar koja me zanima: zbog čega smo mi ovdje finansirali staž Balaban Vladimira? Ko je Balaban Vladimir? Finansirali smo na ime uplate neizmirenih doprinosa za PIO za period 01.01.92-e do 27.01.93-e, povezivanje radnog staža. Vjerovatno ima neko racionalno objašnjenje. Ja sumnjam da bi gradonačelnik dao novac da se nekom samo nako poveže staž, ali evo opet me zanima radi javnosti da se zna zbog čega smo mi ljudima povezivali staž i sa sredstava tekuće rezerve, a recimo nismo iskorištavali da pomognemo Sapni ili Čeliću dok smo iskorištavali da pomognemo Tursku i Siriju, a znamo da su Sapna i Čelić ove godine zaista mnogo propatili radi, radi poplava koje su se desile u ove dvije opštine u gradu Tuza. Mi kao, kao najveći grad u ovom kantonu imamo obavezu da se brinemo i o manjim opštinama i o gradovima, šta god ko mislio o tome.

I na kraju. Želim da se osvrnem samo na rezervaciju sredstava. Neću tu puno ići i detaljisati, ali je sramota da fond sredstava od naknade ostvarene radom od Termoelektrane trošimo na ove stvari. Ja koliko sam ovdje mogao sabrati manje od, od, od 30% od ovog fonda se troši zapravo za toplifikaciju i za smanjenje zagađenja. Ovaj fond se troši za sve ostalo, od Gradskog groblja, Slane banje, sanacije putne infrastrukture, izgradnje mostova, xy stvari, a koje ne služe za smanjenje aerozagađenja. I mislim evo opet neću ići sa zaključkom, jer ni prošli

deset puta kada sam tražio zaključak da se ove pare namjenski troše, nije usvojen i mislim da je to džaba trošenje moga a i našeg vremena. Ali je jako bitno, evo da barem neko kaže da se ove pare moraju namjenski trošiti, jer ovo ljudi stvarno nije korektno. Ovolike pare da trošimo, a da nisu namjenski troš...da se ne troše namjenski na aerozagađanje, a koje dobijamo od Termoelektrane.

I, za potpuni kraj, želim još jednom, evo samo da, da, da kao i gospodin Alić pohvalim Službu za budžet i finansije. Jako ljepo objašnjeno. Jako fin izvještaj. Jako transparentno i to je jedan dio koji, koji ne treba zanemariti. U to se utrošilo puno posla. Puno vremena. I svaka čast Službi. Hvala ljepo.

**NATAŠA PERIĆ**

Hvala Omere. Vijećnik Miodrag Tanasilović. Izvolite.

**MIODRAG TANASILOVIĆ – vijećnik Socijaldemokratske partije**

Zahvaljujem predsjedavajuća. Evo isoristi ću priliku odmah na početku da sve srdačno pozdravim. Što se tiče dakle ovog obrazloženja dokumenta znači kojeg imamo danas ispred sebe, ovaj, ja ću nastojati da budem što kraći i koncizniji, da se ne ponavljam. Nadovezaću se na riječi mojih prethodnika gospodina Omera i Anela.

Dakle, odmah ću na startu pohvaliti Službu za budžet i finansije Grada Tuzla, na čelu, naravno, sa našom Suadom Isaković, koja svake godine brilijantno radi svoj posao i nama na najjednostavniji mogući način, ovaj, prezentira ono što se radi kako se izvršava budžet Grada Tuzla.

Evo, ovaj, nadovezaću se malo i napomenuti da su neke stvari evo vidljive i golim okom, što kaže kolega Omer da se ra..., znači, stvari odvijaju na terenu što se tiče ovih rubnih mjesnih zajednica, prigradskih, tako je, izvinite, ovaj, prigradskih mjesnih zajednica. Evidentno je znači ulaganje u komunalnu infrastrukturu, izgradnju puteva, sanaciju puteva, otkaljanje različitih nedostataka, tako da je to za jednu pohvalu, naravno, kao što Omer reče, ovaj, zahvaljujući vjerovatno našem gradonačelniku koji dosta napora, dakle, ulaže na rad na terenu.

Što se tiče, dakle, finansiranja, sve je detaljno objašnjeno. Ja se ne bi, ovaj, zadržavao na pojedinostima. Evo malo ću se dotaknuti finansiranja javnih ustanova i javnih preduzeća. Evo mogu i konkretno dati i odgovor na pitanje Omera vezano za kapitalni grant koji je dodjeljen, dakle, ove godine Javnoj ustanovi Gradski stadion „Tušanj“. Naime, riječ je o iznosu od 80.000 Konvertibilnih maraka, koje su namijenjene za nabavku sportskog LED semafora, koji će biti dimenzija 8x4 metra. Procedura javne nabavke je u toku i mi se iskreno nadamo da će u narednih sedam dana, ovaj, pristići sve adekatne ponude, da neće biti, dakle, žalbi u samom procesu i da će se ova nabavka završiti u nekih mjesec dana, tako da će Gradski stadion „Tušanj“ da izgleda još bolje i ovaj da pruža, dakle, bolje uslove svojim korisnicima, što je dakle njegova prioritarna, ovaj, funkcija. Još jednom, ovaj, ću reći da je, evo ko što su i većina se složila, a i ja se apsolutno slažem i, ovaj, podržaću svakako ovo obrazloženje izvještaja budžeta za prvih šest mjeseci. Hvala.

**NATAŠA PERIĆ**

Hvala. Dal se još neko javlja ispred vijećnika? Ako ne, zaključujem raspravu vijećnika. Zamoliću gospodu Suadu Isaković da odgovori na pitanja koja su proistekla iz diskusija.

## **SUADA ISAKOVIĆ – Pomoćnik gradonačelnika za Službu za budžet i finansije**

Pozdravljam sve prisutne i evo ja ću pokušat da odgovorim na ova pitanja koja su postavljena. Prvo da vam se svima zahvalim stvarno. Nama je posao da radimo i eto ja ga podugo radim. Nadam se da ću još ove naredne dvije godine izdržat.

Što se tiče tekuće rezerve, zahvaljujem se Mensure. Jest tehnička greška, Mensure Aliću, evo ja ovako pošto podugo znam, malo možda i slobodno, ovaj, jeste greška u zbiru, nije ušla ona zadnja stavka, procenat je dobar, ali nije apsolutni iznos i evo to će biti ispravljeno, pa nek uđe (NATAŠA PERIĆ – Dobro, dobro) u Stenogram i bit pripremljeno za potpis.

Što se tiče Balaban, Balaban Vladimira. Evo ja sam i pronašla, obzirom da je već neko juče pitao vezano za ovo plaćanje doprinosa pripadajući za period u 92-oj godini. Balaban Vladimir bio je uposlenik Skupštine Opštine Tuzla od 1982. godine do 27. januara 93-e godine i evo kao što ste vidjeli nisu mu bili plaćeni doprinosi u periodu od, ovaj, od 92-e godine, od 01.01.92-e do 27.01.93-e godine, kada je osoba pokrenula ostvarivanje penzijskog staža, utvrdila je tu grešku i obratila se Gradu Tuzla, kao svom bivšem poslodavcu i u tom kontekstu je i obračunato i uplaćeno i to je to. Možda je propust što mi nismo u odluci napisali da se radi o bivšem uposleniku Gradske uprave, odnosno tada Skupštine Opštine Tuzla.

Što se tiče kapitalnih grantova za ove tri javne ustanove. Oni su dodjeljeni u budžetiu odnosno utvrđeni od strane Gradskog vijeća u petom mjesecu ove godine, kada je Gradsko vijeće razmatralo i usvojilo rebalans budžeta i evo ja sam uspjela sa kolegicom, ovaj, iz resorne službe da se ukratko iskonsultujem, da vidim jesu li poduzete određene aktivnosti, obzirom da Služba za budžet i finansije sazna tek kad dođe vrijeme plaćanja. I evo imali ste informaciju od vijećnika, ovaj, iz stadiona „Tušanj“ šta se dešava sa procedurama. Tako isto, evo dobila sam informaciju da je Dom penzionera već bio pokrenuo proceduru, pa da je morala bit poništena iz određenih razloga, a da i Dom zdravlja za nabavku odgovarajuće opreme je u pripremi, znači korištenja ovog granta.

Što se tiče rezervisanja sredstava iz fonda za naknadu od prihoda od rada od Termoelektrane, tu, ovaj, jeste da je jedan manji iznos utrošen u prvih šest mjeseci vezano za izgradnju onih kompaktnih podstanica. Međutim, imali smo veću aktivnost u ovom kvartalu, jer prethodnih dana su bila određena plaćanja, pa mi je to poznato, pa će to biti u devetomjesečnom izvještaju, a takođe vidjeli ste da u ovim rezervacijama se ne prikazuju grantovi koji će dobiti osobe koje su aplicirale na javni poziv za dodjelu sredstava za podstanice, obzirom se tu radi o dodjeli, pa ukoliko ispune uslove, da ta procedura dugo traje, u stvari ne vrše se rezervacije i to je negdje oko milion maraka. Činjenica da, ovaj, i jedan dio sredstava ide za izgradnju, ovaj, toplovodne mreže, tako da mi budžet realizujemo onako kako ga je Vijeće usvojilo. Znači, pozicije koje postoje u budžetu, one se i realizuju. U namjenu je utvrdilo Vijeće i mi je ne možemo mijenjat. A procedure trajanja ovih pozicija, ovaj, traju. Javni poziv ima žalbe i uvijek nekako isplate tih pomoći idu pri kraju godine, odnosno one se isplaćuju tek kada korisnik realizuje projekat, kada dokaže da je uradio taj posao, onda će dobit refundaciju sredstava za podstanice.

Što se tiče završetka groblja gradskog, ono što mi u Službi za budžet i finansije znamo da je potpisan, potpisani ugovor na tri godine traje do kraja ove kalendarske godine i to su ti radovi koji su, da li će izvođač u roku završit svoje poslove, to vam može reći nadležna služba, odnosno Služba za komunalne poslove.

Evo to je to, čini mi se da sam uspjela. Hvala.

**NATAŠA PERIĆ**

Hvala vam Suada. Jel možemo glasat u paketu ako se slažete? Dobro.

Stavljam na izjašnjavanje IZVJEŠTAJ O IZVRŠENJU BUDŽETA GRADA TUZLA ZA PERIOD 1. 1. - 30. 6. 2023., IZVJEŠTAJ O KORIŠTENJU SREDSTAVA TEKUĆE REZERVE ZA PERIOD 1. 1. - 30. 6. 2023. I POLUGODIŠNJI IZVJEŠTAJ O REALIZACIJI ODOBRENIH INVESTICIJA GRADA TUZLE ZA PERIOD 01.01. DO 30.06.2023.

Molim vijećnike da se izjasne.

Glasanje je okončano.

Konstatujem da su izvještaji i polugodišnji izvještaj vezano o izvršenju budžeta o korištenju sredstava tekuće rezerve i izvještaj o realizaciji odobrenih investicija u periodu 01.01. do 30.06. usvojeni sa

24 glasa za, nije bilo protiv i nije bilo suzdržanih.

Prelazimo na tre...Imal zaključak? Ja se izvinjavam, al moraćemo ponovit glasanje, ejr kolega Alić nije glasao. A bio je u sali. Pa moramo ispoštovat poslovnik. Et, molim vas, znači pročitani, ovaj, izvještaj i polugodišnji izvještaj da se izjasnimo za period 01.01. do 30.06.2023.

Glasanje je okončano.

Konstatujem da su izvještaji i polugodišnji izvještaj vezano o izvršenju budžeta za period 01.01. do 30.06. usvojen sa

24 glasa za, nije bilo protiv i nije bilo suzdržanih.

Prelazimo na tačku tri:

#### **RAZMATRANJE:**

**a) ZAHTJEVA NADLEŽNIM ORGANIMA ZA PODUZIMANJE HITNIH MJERA NA SUZBIJANJU NASILJA, TORTURE I UZNEMIRAVANJA SVIH OSOBA A NAROČITO ŽENA**

**b) INFORMACIJE O AKTIVNOSTIMA GRADA TUZLE NA PREVENCIJI NASILJA NAD ŽENAMA I PODRŠCI ŽENAMA ŽRTVAMA NASILJA**

Predlagач: Kolegij Gradskog vijeća (pod a) Gradonačelnik Grada Tuzle (pod b).

Obrađivač: Služba za kulturu, sport, mlade i socijalnu zaštitu (pod b).

Materijal su razmatrali: Komisija za jednakopravnost polova i klubovi vijećnika.

Evo ja ću uzet sebi za pravo da vezano za tačku a) zahtjev nadležnim oranima za poduzimanje hitnim mjera suzbijanju nasilja, torture i uznemiravanju svih osoba, posebno žena. Samo ukratkom obrazložim razloge. Evo čisto zbog javnosti.

Vi znate da prije tri sedmice se desio jedan masakr i grozne stvari u Gradačcu i nakon toga još je bilo, ovaj, tih nekih situacija, a i prije toga je u našem gradu bilo situacije femicida, odnosno ubistava žena i evo ispred, ja sam uputila ovo na Kolegij Gradskog vijeća ovaj zahtjev. Kolege su jednoglasno prihvatile, pa dužna sam zbog javnosti evo četiri zaključka da pročitam, a naravno sad u raspravi, ako neko još ima neki zaključak i nešto, nek pročitaj.

Dakle, Gradsko vijeće Tuzla poziva nadležne institucije da reagiraju s dužnom pažnjom i da preduzimaju sve neophodne mjere propisane Istanbulskom Konvencijom kako bi se spriječili budući slučajevi femicida, ali i svi oblici nasilja nad ženama i djevojčicama, bilo kog oblika torture i nasilja u porodici.

Drugi zaključak: Apeluje na nadležne pravosudne i druge državne organe da budu efikasniji u procesuiranju i izricanju sankcija za krivična djela protiv života i tijela, čije su žrtve žene i nemoćna lica.

Tri: Traži od nadležnih vlada i parlamenata da se izradi i usvoji tekst izmjena Krivičnog zakona, kojim će femicid biti predviđen kao posebno krivično djelo.

I četiri: Traži od Vijeća ministara Bosne i Hercegovine i entitetskih vlada i Vlade Brčko Distrikta BiH da, u skladu sa svojim nadležnostima, pristupe izradi dokumenata vezanih za definiranje sveobuhvatnog okvira politika i mjera za zaštitu i pomoć svim žrtvama nasilja i torture nad ženama, uznemiravanja žena i nasilja u porodici.

U prilogu ste vidjeli rezoluciju koju smo mi kao Gradsko vijeće donijeli o sprečavanju i uznemiravanju seksualnog nasilja nad ženama još od 2021. To je što se tiče ovog zahtjeva i što se tiče informacije koju Služba za kulturu, sport, mlade i socijalnu zaštitu pripremila. Želim evo da izrazim zadovoljstvo, da Grad Tuzla već deset godina kontinuirano radi po pitanju ovog problema koje je u našem bosanskohercegovačkom društvu nažalost sve prisutniji.

Za pomenutu informaciju se može zaključiti da je Grad Tuzla, evo institucijalno djeluje kroz posebne mjere i u saradnji sa nevladinim organizacijama za koje bi rekla da se nalaze na direktno prvoj liniji fronta kada su u pitanju ove ugrožene kategorije, ima veoma dobru saradnju, a evo kako šefica Službe Asja Redžić nagovijestila, sad u narednom periodu bit će ažuriran i Gender akcioni plan, pa ćemo imat još ovu jasniju sliku i evo želim samo da izrazim evo zadovoljstvo, stvarno da Grad Tuzla kao Jedinica lokalne samouprave ima, ovaj, već dugo kontinuirano radi na rješavanju ovih problema.

Ja otvaram raspravu klubova vijećnika.

Vijećnik Nedžad Jusić. Neka se pripremi vijećnica Ćatibušić.

## **NEDŽAD JUSIĆ**

Hvala predsjedavajuća. Evo ja sam, normalno da podržavam ovo što vaš prijedlog treba osuditi i treba raditi na tome, oaj, da se zaštite svi nemoćni, a pogotovo žene u našem društvu i trebamo svi dodatno učiniti napora da ne bude uopšte nasilja, nula tolerancije, kada je u pitanju nasilje pogotovo spram žena.

I ove zaključke koje ste pročitali, ja ću podržati sve i to je OK, ali smatram da ipak i pored nasilja nad ženama, evo svjedoci smo da bude nasilje i nad drugim osobama i na muškarcima i nad djecom, na nemoćnim, na bilo koga, na koga se izvrši nasilje, nije dobro i to treba osudit i ja bi možda samo jedan zaključak dodatno na ove zaključke da Gradsko vijeće Tuzla traži od nadležnih organa da poduzmu hitne mjere na suzbijanju nasilja, torture i uznemiravanja svih osoba a naročito žena. Znači, iz ovog naslova, iz ovog, jednostavno tačke Dnevnog reda proističe ovaj jedan zaključak. Hvala.

## **NATAŠA PERIĆ**

Hvala kolega Jusiću. Vijećnica Selma Ćatibušić ispred Kluba Platforma za progres. Izvolite. Neka se pripremi vijećnik Mehmedinović.

## **SELMA ĆATIBUŠIĆ**

Obzirom da mi je ova tema svakako posebno važna i nekako godinama se bavim njome i borim se protiv svih oblika nasilja u porodici prvenstveno. Što se tiče, podržaću svakako navedene zaključke.

Predlažem još jedan zaključak, a ujedno eto tako da kažem pitanje, odnosno da Grad Tuzla i nadležne službe dostave informacije da li oni posjeduju informaciju da li su zaposlenici gradskih službi, kao i zaposlenici javnih ustanova čiji je osnivač, odnosno suosnivač Grad Tuzla, nekada bili prijavljeni za nasilje i da li postoje presude protiv njih iako govorimo da Grad Tuzla ima nultu toleranciju nad nasilje, da li je ikada izrečena neka kazna u vidu otkaza takvim osobama, ukoliko takvih osoba je li postoji u ovom gradu? Da li je Grad Tuzla spreman takvim

osobama svakako dati otkaz u javnim ustanovama ili u gradskim službama, ukoliko, eto svakako protiv njih se vode takvi postupci nakon naravno određenih presuda? Tako da bih voljela da mi nadležne službe o tome dostave informaciju.

Predložila sam već ovu inicijativu. Evo i u formi zaključka predlažem da će Grad Tuzla pokrenuti inicijativu zapravo implementacije, odnosno realizacije pravljenja jednog parka za sve žrtve femicida, koji ne mora biti ništa veliko, ništa, ono da kažem, što će iziskivati prevelike finansije, ali eto park odavanja počasti na kojem će sigurno pisati da to nije porodična stvar, da to nije porodična tragedija, nego da se radi o krivičnim djelima i da će se na takav način, je li, odati počast u vidu, možda sadnica, nekih ruža, ili nešto slično i da će Grad Tuzla eto na takav način pokazati da nije zaboravio na žrtve femicida.

Tako da, a ujedno naravno podržavam inicijativu kolege Jusića da se to ne odnosi naravno samo na žene, nego na uopšte žrtve nasilja.

## **NATAŠA PERIĆ**

Hvala. Vijećnik Senad Mehmedinović, ispred Zajedničkog kluba.

## **SENAD MEHMEDINOVIĆ**

Poštovana predsjedavajuća, zamjenice predsjedavajuće, kolege vijećnici, stručna službo, sve vas srdačno pozdravljam. Naravno da prije svega podržavam ovakav vid inicijative, a sam sam vjerovatno kao i svi vi šokiran sa ovim dešavanjima koji su bili u proteklom periodu. Postavlja se pitanje šta se dešava?

Veoma je teško doći do podataka o različitim oblicima nasilja prema ženama. Al ovo je jedan podatak do kojih sam došao i on se nalazi ja mislim čak na Agenciji za ravnopravnost spolova i da li čak u Gender centru i šokiran sam s ovim, a to je da 52% žena koje su od 15 godina iskusile bilo koji oblik nasilja. 52, ja ne znam dal je to greška na Agenciji. Otišao sam na popis stanovništva 2013. godine. Vidio koliki je žena. Vidio koliki je to broj od više od 15 godina koje imaju i ovaj podatak od 52% nije da je alarmantan, nego podhitno se nešto mora raditi po ovom pitanju.

Ono što je žalosno jeste da mi, da problem uvijek bude zvučan onda kada se nešto desi. I mi prepoznamo ozbiljnost nekog problema kada se nešto desi i ono što nama fali je u sistemima, institucijama sistema jeste nešto što se naziva prevencija i preventivno djelovanje. To zanemarimo. Dakle, kad se nešto desi onda mi hoćemo da odreagujemo.

Naša zemlja ima i ratificirala je odlične konvencije. Znači, između ostalog je i ova Istanbulska konvencija, UV konvencije. Mislim, evo možda će se pravници, sigurno će se složiti, da mi imamo i dobru zakonsku regulativu. Generalno. Međutim, kada je primjena toga svega u praksi, problemi su.

Ja želim da spomenem jedan projekat koji je realizovan i predložiću zaključak, a to je projekat Vijeća Evrope, pod nazivom „Jačanje institucionalnih kapaciteta za prevenciju i brobu protiv nasilja nad ženama i nasilja u porodici u Bosni i Hercegovini“. Dakle, istraživanje je novije, ja mislim prije tri godine, dvije tri godine da je urađeno, a realizovano istraživanje o postojećim praksama prikupljanja podataka o nasilju nad ženama.

Čitao sam podatke Agencije za statistiku. Čitao sam podatke Gender centra. Čitao sam podatke Agencije za ravnopravnost spolova i ispravite me ako griješim, nigdje nisam mogao da vidim da se vode statistički podaci o vrsti i obliku nasilja prema ženama.

Zato, s ciljem aproksimacije podataka o oblicima nasilja prema ženama, predlažem jedan zaključak koji glasi:

Da Gradsko vijeće Tuzla traži od Ministarstva za ljudska prava i izbjeglice Bosne i Hercegovine da, u saradnji sa Agencijama za statistiku i Agencijom za ravnopravnost spolova



(a u skladu sa Krivičnim zakonom), izradi sveobuhvatnu i razvrstanu statistiku o nasilju nad ženama, a što je u skladu sa Istanbulskom konvencijom, koji je ratificirala naša zemlja.

I takođe, pošto smo mi usvojili ovu rezoluciju 2021. godine, na sjednici Gradskog vijeća, možda ne bi bilo loše da ovu rezoluciju dobiju svi šefovi službi i svi direktori preduzeća, čisto da znaju da smo mi to donijeli, ne da bude samo na papiru, nego smo mi donijeli tu rezoluciju da stajemo u zaštitu žena. Hvala najljepša.

## **NATAŠA PERIĆ**

Hvala vam Senade. Dal se još neko javlja ispred klubova vijećnika? Zorane, jeste se vi javili? Izvinite. U redu. Selma Čatibušić, ponovo. Izvolite.

## **SELMA ČATIBUŠIĆ**

Imam još jedan zaključak koji sam zaboravila, a voljela bih isto tako da predložim. Predlažem još jedan zaključak, tj. da Gradsko vijeće Grada Tuzle traži od Javnog preduzeća RTV7 čiji je suosnivač, da izdaju jedan kako bih mogla reći proglas ili na neki način sugestiju u pismenoj formi svojim kolegama novinarima, svim čak i privatnim i javnim televizijama, portalima, da sugerišu na koji način bi zapravo svi portali i sve medijske kuće i slično, trebale i morale da izjašnjavaju o ubistvima koji se dešavaju i slično radi svakako očuvanja i mentalnog zdravlja svih građana u našoj državi, jer nažalost svjedoci smo da naravno raznorazni portali kako privatni svakako i ako imaju na to eto očigledno pravo da rade, da se o tome priča kao da je to porodična tragedija ili ne znam, pogledajte dom masovnog ubice foto plus video. Sve razumijem da ukoliko posjeduje publika za to, da će se to dešavati. Ali evo, naš javni servis neka sugeriše, neka napravi jedan pismeni dopis koji će poslati svojim kolegama da se pridržavaju nekih etičkih kodeksa, kodeksa novinarstva, da se o ovakvim stvarima teba izjašnjavati jasno i precizno o tome, isto tako čuvajući privatnost same žrtve, čuvajući privatnost porodica i žrtava isto tako treba da se dostave informacije da ukoliko je ubistvo počinjeno određenim oružjem da se zna da li je to oružje bilo u legalnom i nelegalnom posjedu, zato da bismo upravo što i Senad govori dobili statističke podatke upravo o tome koliko je na našem prostoru naše države zapravo oružja koji nije u legalnom posjedu i sličo, a sve ove stvari koje dešavaju, naslovi koji su puni i senzacionalizma i slično, samo vrijeđaju žrtve, nanose poteškoće na mentalno zdravlje svih ljudi i sve ovo što se dodatno dešava je zapravo sramota po meni za sav novinarski poziv, koji je po meni častan, pošten i svakako predstavlja je li jednu silu. Tako da, mislim da RTV7, kao javni servis to može uraditi. Hvala.

## **NATAŠA PERIĆ**

Hvala Selma. Zaključujem raspravu. Hoćete vi, jel Zorane? (vijećnik Zoran Jovajović govori bez uključenog mikrofona op.a.). Dobro, dobro. U redu. zaključujem rapsravu klubova vijećnika. Otvaram raspravu vijećnika. Vijećnik Anel Ibeljić. Neka se pripremi vijećnik Jovanović. (vijećnik Omer Berbić govori bez uključenog mikrofona op.a.). Zato što se javio. (vijećnik Omer Berbić govori bez uključenog mikrofona op.a.). Pa javio se. Pa, može. Što ne može? Pa javio se ko vijećnik. (vijećnik Omer Berbić govori bez uključenog mikrofona op.a.). Pa javite se i vi. Dobijete i vi nekad riječ. (ANEL IBELJIĆ – Pa de možda hoće kolega Omer mjesto mene). Pa evo Omere. (vijećnik Omer Berbić govori bez uključenog mikrofona op.a.). pa ako je u redu. Hajd. (vijećnik Omer Berbić govori bez uključenog mikrofona op.a.). Pa nema šta. (vijećnik Omer Berbić govori bez uključenog mikrofona op.a.). Al niste vidjeli, javio bi se, vi ste sad zadnji javili. Javio se Zoran Jovanović. Anel se javio prvi. (vijećnik Omer Berbić govori bez uključenog mikrofona op.a.). Pa ne znam ja za dvije godine. Ne sjećam se. (vijećnik

Omer Berbić govori bez uključenog mikrofona op.a.). Ima Stenogram. Kamere. Anel Ibeljić. Izvolite.

## **ANEL IBELJIĆ**

Hvala predsjedavajuća. Evo ja ću iskoristi priliku da se pridružim svim dosadašnjim diskusijama. Sve podržavam takođe i zaključke koje su kolege, ovaj, iznijele. Nažalost, svi smo bili na neki način posredni očevidci ovog monstruoznog zločina koji je sve nas zadesio prije nekoliko sedmica u kojem su nastradale tri osobe, dva muškarca i jedna žena, a sve kao produkt nasilja u porodici, odnosno nasilja nad ženom, vanbračnom, ovaj, suprugom i majkom malodobnog djeteta.

Kao što to reče i kolega Senad, kao što to obično biva u Bosni i Hercegovini, tek kad se nešto desi, krene se razgovarat o tom problemu i načinima rješavanja i sličnih problema. Međutim, kada govorimo o gradu Tuzli, ono za šta smo mi nadležni, ovaj, mogu reći da Grad Tuzla već preko deset godina izrazito učestvuje u svim aktivnostima na prevenciji nasilja nad ženama, te pruža snažnu podršku žrtvama nasilja.

Moram da vas podsjetim da smo 2021. godine, kao što je to rekla predsjedavajuća, donijeli rezoluciju sprečavanja uznemiravanje seksualnog nasilja nad ženama, a još davne 2013. kroz Gender akcioni plan smo predvidjeli širok spektar mjera u ovoj oblasti koje su mjere realizovane.

Kroz različite analize došlo se do određenog zaključka da je upravo ekonomska ovisnost žena u muškarcu najčešće razlog zbog čega one ne prijavljuju nasilje, odnosno zbog čega ostaju u zajednici sa svojim partnerom i nakon što se to nasilje desi, ponukani time Grad Tuzla je u proteklom periodu izdvojio preko milion Konvertibilnih maraka kroz različite projekte, grantove i druge vidove pomoći, kako bi se pomoglo ženama žrtvama nasilja.

Takođe, kao ograničavajući faktor za žene žrtve nasilja, pojavljuje se i sam njihov smještaj, odnosno ostanak, ovaj, sa nasilnikom. Upravo ponukani time, Grad Tuzla od 2019. godine sufinansira troškove rada sigurne kuće, jedine na području TK-a koja djeluje u okviru Udruženja građana „Vive žene“. U budžetu za prošlu godinu smo, ovaj, su bila predviđena sredstva u iznosu od 50.000 za rad ove sigurne kuće.

Klub SDP-a traži da se ta sredstva u budžetu za 2024. godinu povećaju, kako bi Udruženje što bolje i lakše poslovalo. S toga predlažem zaključak u ime Kluba SDP-a:

Gradsko vijeće Tuzla traži od nadležnih službi da, prilikom kreiranja nacrta budžeta za 2024. godinu, povećaju novčana sredstva na ekonomskom kodu - Grant za Udruženje Viva Žene Tuzla, a sve u skladu sa finansijskim mogućnostima.

Zahvaljujem.

## **NATAŠA PERIĆ**

Hvala. Sljedeći za riječ se javio vijećnik Jovanović. Neka se pripremi vijećnik Berbić. Izvolite.

## **ZORAN JOVANOVIĆ – samostalni vijećnik**

Hvala predsjedavajuća. Pa evo za pohvalu je ova inicijativa. Za pohvalu su i zaključci. Evo malo kasnimo, al evo nismo imali sjednicu Vijeća. Al ovo sve što je predloženo apelujemo, tražimo, molimo. Ovo je problem jako kompleksan i mi to samo s površine pogledamo. Većina nas. Mislim, evo podržavam Senada. Imamo potpisane deklaracije, konvencije, povelje o ljudskim pravima. Sve je super, al u ostvarivanju, znači, u sprovođenju djela tih konvencija, mi smo mrtvo slovo na papiru.

Vidite, nekad u moje vrijeme, većina je ovdje mlada, ovaj, nije doživjela onaj sistem koji smo imali. U svakom preduzeću je bio socijalni radnik. Danas bježimo od socijalnih radnika. Njih je najviše na Birou. Svaka firma bi danas preko 15 ljudi moralo imati socijalnog radnika. Kad mu dođe zaposlenik s problemom, koji pravi probleme u porodici, to se rješavalo u okviru firme, pa onda dalje. Danas to nemamo. Znači, sva ova djela, ova ubistva, za mene je femicid ubistvo, al teško jedno posebno kvalifikovano ubistvo. Ovo što ste predložili da bude posebno, u pravu. U pravu, evo ima tu Anel, ima pravnik. Krivični zakon tretira ubistvo kao teško krivično djelo. E sad bi tgrebalo razradit u odnosu na žene. Al što kaže kolega Jusić, nemamo mi samo oblike nasilja u porodici u odnosu na ženu. Imamo i na djeci. Još gore. Na nemoćne osobe. Nažalost ovo se sve dešava u lokalnoj zajednici. I jako sporo rješava probleme lokalna zajednica. Jako sporo. Ja kažem, onaj, iz iskustva. Centri za socijalni rad sveli se, mi smo imali ovdje diskusiju o izvještaju o radu od Centra za socijalni rad. Nažalost oni nisu više terenski radnici, već su u kancelarijski. Od obaveza koji im je nametno sistem, oni ne mogu izaći na teren.

Ja sam imo skoro jedno nasilje u porodici u komšiluku i zvao Centar za socijalni rad. Nažalost nisu nikad izašli. Al ima zabilježeno na telefonu. Ako bude nešto. Ima neka odgovornost. Stariji ljudi. 80 godina nasilje u porodici. Znači, nije to više ni u odnosu na mlađe. Dešava se u svim kategorijama stanovništva.

Mislim da mi moramo sa nivoa lokalne zajednice svako u svojoj lokalnoj zajednici da počinje radit na ovom. Ovo što se dešavalo u školama. Vidite, mi imamo policajaca. Ne može policija. Nije toliko mnogobrojna i moćna da dežura i da zna šta je u čijoj glavi. Znači, od obdaništa moramo početi radit sa, na ovom problemu. Od obdaništa. Ne radi se sa odraslim ljudima. I kroz školovanje i kroz životno obrazovanje neko i ovo što kaže kolegica putem medija. Imamo medije. Emisije svakih sedam dana da makar na ove koji ne idu u školu, koji su završili, koji nisu ovo prošli, da utičemo da se ne dešavaju ovakve stvari. Al nažalost nikak ne znamo šta je u čijoj glavi. Zdravstvo nam je na jednom nezavidnom nivou. Kad odete dol psihologu il psihijatru, to vam je, onaj, naručen si za osam mjeseci, devet i onda kad se desi belaj, kaže što ga nismo primili. Pa niste htjeli.

Znači, problema je niz da bi se rješavao ovaj problem femicida, koji treba rješavat. To je jedan lanac povezan i ako preskočimo jednu kariku nećemo uspjet. Znači, ne znamo evo ipak ovom treba da se bavi stručnjaci, ali evo za svaku pohvalu evo inicijativa da se i mi uključimo kao lokalna zajednica.

## **NATAŠA PERIĆ**

Hvala vam. Vijećnik Omer Berbić. Neka se pripremi vijećnica Čatibušić. Možete Zorane samo mikrofon?

## **OMER BERBIĆ**

Znate šta je naš najveći problem, onako generalno i kao društva, pa evo i kao Gradskog vijeća i ostalih nivoa vlasti, bez ikakvog ustručavanja, to treba staviti kao, kao činjenicu. Mi uvijek tretiramo posljedicu, ne tretiramo uzroke. I uvijek kažemo, apeliramo da se izmijeni neki zakon. Apeliramo da se provede nešto. Apeliramo. A svi znamo da se neće ništa završiti, jer je toliko komplikovana država, da evo mi sad gledamo u tri četiri zakona evropska koja su benigna onako. Njima treba po četiri pet mjeseci da usvoje na nivou države, na nivou federacije. Pitanje je dana kad će doći na red, na nivou kantona je ova vlast, il ona vlast i nema od toga ništa. Ja ovako isto mislim kao i kolega Zoran da bi mi možda trebali malo da se osvrnemo oko sebe. Da vidimo šta Grad Tuzla može uradit, jer Grad Tuzla ima jedno jako veliko oružje za borbu sa ovim katastrofalnim problemom. Zato što je isključivo u našoj nadležnosti, u našoj

nadležnosti su isključivo vrtići. Vrtići koji se možda i netiretiražu toliko kao ozbiljno oružje. Ja nisam stručnjak iz te oblasti. Prepustio bih to stručnjacima. Al sam se posavjetovao i na neki način možda od najmanjih tih godina kada dijete kroz naš sistem, treba da reagujemo. Al ne samo u državne vrtiće, nego treba da se reaguje i u privatnim vrtićima. Zašto ovo govorim?

Zato što evo sada ja predlažem zaključak da Gradsko vijeće Tuzla sugerise službi zajedno sa gradskim vrtićem „Naše dijete” da se proba naći model gdje će psiholozi u toj najranijoj dobi na neki način napraviti skrining i razgovarati sa djecom koje pokazuju karakteristike agresije.

E sada ja ne znam da li ovo postoji u Obdaništu „Naše dijete“? Moguće da postoji. Ali sigurno ne postoji u većini privatnih obdaništa.

I moja sugestija je da Grad Tuzla, odnosno služba pokuša iznaći finansijske mogućnosti da se subvencionira psiholog koji će raditi sa djecom u privatnim obdaništima, jer koliko god imamo u „Našem djetetu“, imamo isto toliko možda čak i više u privatnim obdaništima, gdje djeca ostaju na neki način prepuštena sami sebi, odnosno porodičnoj situaciji.

A znamo koliko imamo ljudi koji boluju od PTSP, koliko ima ljudi koji nažalost prave velike probleme u porodičnim odnosima. I to se najviše pokazuje na našem kantonu, jer kada vidite u zadnjih šest mjeseci do godinu dana, imali ste sigurno šest sedam ubistava. Pa počevši evo od, u zadnje vrijeme se najviše priča o Gradčcu i tom katastrofalnom slučaju i masakru. Pa govorimo o Živinicama. Govorimo o činjenici da smo u Tuzli imali dva ubistva u zadnjih šest sedam mjeseci femicida. Govorimo o Bijeljini, koja je sat vremena odavdje, koliko je i Gradačac, da je bio femicid u zadnjih deset dana. Nije to više ni, ni, to je sad postalo sistemski problem. Mi treba da probamo sistemski to riješiti i zato moj zaključak ide upravo u tom pravcu da Grad Tuzla subvencionira psihologa privatnim obdaništima, a u isto vrijeme da vidimo da li „Naše dijete“ ima psihologa.

Također, sugestija službi kroz zaključak bi bila da se iznađe način da se poveća izdavanje za omladinski sport uzimajući u obzir proporcije muškog i ženskog sporta, sa akcentom na samoodbranu žena. Kada ovo kažem, mislim da bi Grad Tuzla trebao napraviti odnosno platiti subvencionirati besplatne kurseve za djevojke, žene, za samoodbranu po mjesnim zajednicama, zato što je to možda način da od ovog sistema koji očigledno ne funkcioniše probamo barem zaštititi neki dio žena od nasilja u porodici. (NATAŠA PERIĆ – Privodite kraju). Evo, evo ja završavam. Ovo samo govorim. Nisam želio da se obazirem na visočije nivoe vlasti kanton, federaciju, državu i tako dalje, jer znamo da se to neće završiti. Ovo je stvar koje su na našem nivou. Ovo je stvar koje mi možemo aktivno sprovesti i na neki način probati preventivno da djelujemo što se tiče ovog problema. Hvala ljepo.

## **NATAŠA PERIĆ**

Hvala kolegi Berbiću. Za riječ se javila vijećnica Čatibušić. Neka se pripremi vijećnica Merima Softić Sprečić.

## **SELMA ČATIBUŠIĆ**

Pa, nekako mogla sam sve, čini mi se, kroz jednu diskusiju, al svaki put se sjetim šta sam još dodatno htjela reći, jer ova tema je izuzetno važna i smatram da svi možemo o tome diskutovati jako dugo.

Mi smo prošle godine usvojili, u pravilniku je zavedeno za dobijanje stanova koji su u vlasništvu Grada Tuzle, da će prednost pri dobijanju na korištenje tih stanova upravo dobiti i žrtve nasilja.

Mene prvo zanima informacija koju tražim da mi se dostavi od gradskih službi, evo dakle, predlažem zaključak da će nadležna služba dostaviti informaciju da li je i jedna žrtva

nasilja od tada kada smo mi taj zaključak donijeli, dobila na korištenje stanove u vlasništvu Grada Tuzle.

Isto tako mislim da eto ta informacija bi trebala na neki način malo da se dalje čuje, jer dosta ljudi i žena koji su žrtve nasilja uopšte ne znaju da postoji ta mogućnost u našem gradu i da Grad daje podršku u tom dijelu, tako da eto voljela bih u tom dijelu i ovo što je kolega Anel izdvojio tj. predložio da Grad Tuzla izdvoji još veća sredstva za Sigurnu kuću. Ja se slažem s tim da bi ja neki način to dopunila da će Grad Tuzla izdvojiti veća sredstva za osiguravanje sigurnosti Sigurne kuće, tj. nisam sigurna da je dovoljno, kako da kažem, a da se pogrešno ne izrazim, osigurana sama Sigurna kuća i smatram da bi u tom dijelu Grad Tuzla mogao pomoći, u vidu dodatnih i tjelohranitelja. Ja mislim da čak ne postoji trenutno ni čuvar, ali nemojte me držati za riječ. Postoje određeni vidovi svakako dodatne sigurnosti, al smatram da dodatna sigurnost svakako ne bi manjkala. Eto. Toliko.

## **NATAŠA PERIĆ**

Hvala Selma. Vijećnica Merima Softić Sprečić. Izvolite.

### **MERIMA SOFTIĆ SPREČIĆ – vijećnik Socijaldemokratske partije**

Evo pozdravljam sve prisutne. Zaista su prethodnici mislim mnogo toga rekli, jer tema je kompleksna, osjetljiva. Trudiš se da nekako da u što manje rečenica kažeš ono što je u stvari najvažnije. Evo tako ću se i ja potruditi da se ne ponavljam. Ali ono što se često ponavlja da se žene žrtve nasilja nako smještanja u Sigurnu kuću i boravka u istoj nakon određenog perioda i same odlučuju vratiti, ovaj, zlostavljačima na istu adresu. Najčešće je evo radi te ekonomske zavisnosti. Mislim, ovaj, tada se te torture jel nastavljaju. Bivaju još brutalnije, jer su se one i odlučile prijaviti tog nasilnika.

Ono što sam ja evo razmišljala je da oni koji dolaze u, koji se prvi sučeljavaju sa ženama žrtvama nasilja su policijski službenici. Mislim da treba u toj situaciji dati što više informacija ženama žrtvama nasilja o njihovoj sigurnosti i od pomoći od same šta, koju ona vrstu pomoći u suštini može da ima, može da dobije, od advokatske, od njihove pomoći kao službe policije, od stručnih službi koji rade u Gradskoj upravi, od socijalne, ovaj, ustanove. Znači, šta je to što ona može da iskoristi kao svoju pomoć kako bi u narednom periodu mogla i znala da djeluje?

Naravno, ovaj, da bi imali i sami službenici te određene informacije koje bi prenijele samoj žrtvi, mislim da je potrebna itekako koordinacija, ovaj, policije, recimo sa socijalnim radnicima, odnosno evo sa određenim mjerama, ovaj, koje provode na terenu, socijalna služba.

Voljela bih da to bude nekakav zaključak, da oni imaju zaista sinergiju i da imaju, ovaj, povezanost što se tiče koja su prava i obaveze same žrtve nasilja na koje ona ima pravo, obzirom da je policijski službenik prvi koji dolazi u razgovor i dodir sa žrtvom, da je jednostavno obavijesti, ohrabri koje su njene mogućnosti u toj borbi, ovaj, njenoj daljoj.

Ne znam da li ovo može bit ovakva vrsta zaključka, ali evo svi smo zajedno ovdje, pa možete na neki način i pomoći da to nekako objedinimo, ali mislim da je to jedan od razloga da žrtve u tom prvom momentu nisu uopšte obaviještene o određenoj sigurnosti i određenom rekla bih protokolu koje njih kao žrtvi nasilja pripada, da one se jednostavno ne vraćaju i nemaju obavezu vratit se na istu adresu, samo zato možda što su ekonomski nezavisne. Eto, čisto, hvala vam na prilici da nešto kažem o ovoj temi.

## **NATAŠA PERIĆ**

Dobro. Hvala. Zaključujem raspravu. Pošto ćemo zaključke nakon što se malo uredi i to, ovaj, ja bih predložila da mi sad, da dam sad jednu pauzu od 30 minuta, ovaj, pa ćemo onda nakon toga se izjasnit kad se vratimo na sjednicu o zaključcima i glasat ćemo o ovome, ako se slažete? Dobro. (Pauza.)

Prelazimo na glasanje pod:

a) Znači, izjasnit ćemo se o ovom Zahtjevu nadležnim organima za poduzimanje hitnih mjera na suzbijanju nasilja, torture i uznemiravanja svih osoba a naročito žena. Molim vijećnike da se izjasne. Glasanje je okončano.

Konstatujem da je ZAHTJEV NADLEŽNIM ORGANIMA ZA PODUZIMANJE HITNIH MJERA NA SUZBIJANJU NASILJA, TORTURE I UZNEMIRAVANJA SVIH OSOBA A NAROČITO ŽENA usvojen sa,

19 glasova za, nije bilo protiv i nije bilo suzdržanih. Pod:

b) Konstatujem da je INFORMACIJA O AKTIVNOSTIMA GRADA TUZLE NA PREVENCIJI NASILJA NAD ŽENAMA I PODRŠCI ŽENAMA ŽRTVAMA NASILJA primljena k znanju i zamolit ću sekretara da pročita sve zaključke i da glasamo u paketu.

### **SLAĐANA KRAJINA – sekretar Gradskog vijeća Tuzla**

1. Gradsko vijeće Tuzla poziva nadležne institucije da reagiraju s dužnom pažnjom i da preduzimaju sve neophodne mjere propisane Konvencijom Vijeća Europe o sprečavanju i borbi protiv nasilja nad ženama i nasilja u obitelji (Istanbulskom konvencijom), kako bi se spriječili budući slučajevi femicida, ali i svi oblici nasilja nad ženama i djevojčicama, bilo kog oblika torture i nasilja u porodici.

2. Gradsko vijeće Tuzla apeluje na nadležne pravosudne i druge državne organe da budu efikasniji u procesuiranju i izricanju sankcija za krivična djela protiv života i tijela, čije su žrtve žene i nemoćna lica.

3. Gradsko vijeće Tuzla traži od nadležnih vlada i parlamenata da se izradi i usvoji tekst izmjena Krivičnog zakona, kojim će femicid biti predviđen kao posebno krivično djelo.

4. Gradsko vijeće Tuzla traži od Vijeća ministara Bosne i Hercegovine i entitetskih vlada i Vlade Brčko Distrikta Bosne i Hercegovine da, u skladu sa svojim nadležnostima, pristupe izradi dokumenata vezanih za definiranje sveobuhvatnog okvira politika i mjera za zaštitu i pomoć svim žrtvama nasilja i torture nad ženama, uznemiravanja žena i nasilja u porodici.

5. Gradsko vijeće Tuzla traži od nadležnih organa da poduzmu hitne mjere na suzbijanju nasilja, torture i uznemiravanja svih osoba a naročito žena.

6. Gradsko vijeće Tuzla traži od Gradske uprave Grada Tuzla i javnih ustanova i javnih preduzeća čiji je osnivač ili suosnivač Grad Tuzla da dostavi informaciju o tome da li posjeduju podatke odnosno informaciju da li su njihovi zaposlenici nekada bili prijavljeni za nasilje te da li postoje osuđujuće presude protiv lica koja su zaposlenici Gradske uprave, javnih preduzeća i javnih ustanova kao i da li je nekom od zaposlenika dat otkaz zbog osuđujuće presude za nasilje odnosno da li su spremni dati otkaz onim zaposlenicima, ukoliko takvih ima, koji su počinili nasilje.

7. Gradsko vijeće Tuzla će pokrenuti inicijativu za implementaciju odnosno realizaciju pravljenja parka za sve žrtve femicida.

8. Sa ciljem aproksimacije podataka o oblicima nasilja nad ženama, Gradsko vijeće Tuzla traži od Ministarstva za ljudska prava i izbjeglice Bosne i Hercegovine da, u saradnji sa Agencijom za statistiku i Agencijom za ravnopravnost spolova (a u skladu sa Krivičnim

zakonom), izradi sveobuhvatnu i razvrstanu statistiku o nasilju nad ženama, u skladu sa Istanbulsom konvencijom.

9. Gradsko vijeće Tuzla traži od RTV7 da pripreme i distribuiraju portalima i medijskim kućama, u odgovarajućem obliku i formatu, sugestije na koji način izvještavati javnost kada je u pitanju nasilje, ubistvo ili druga krivična djela, poštujući nečije pravo na privatnost kao i principe novinarske etike.

10. Gradsko vijeće Tuzla traži od nadležnih službi da, prilikom kreiranja nacrtu budžeta Grada Tuzle za 2024. godinu, povećaju novčana sredstva na ekonomskom kodu - Grant za Udruženje Viva Žene Tuzla, a sve u skladu sa finansijskim mogućnostima.

11. Gradsko vijeće Tuzla sugerije Javnoj ustanovi za predškolski odgoj i obrazovanje "Naše dijete" Tuzla da, u saradnji sa resornim službama, pokušaju iznaći odgovarajući model gdje će psiholozi obavljati razgovore sa djecom koja u najranijoj dobi pokazuju određene oblike agresivnosti te napraviti pravovremeni skrining.

12. Gradsko vijeće Tuzla sugerije da se razmotre zakonske, finansijske i faktičke mogućnosti subvencioniranja angažovanja psihologa u privatnim predškolskim ustanovama.

13. Gradsko vijeće Tuzla sugerije da se razmotre zakonske, finansijske i faktičke mogućnosti subvencioniranja kurseva samoodbrane žena u mjesnim zajednicama na području grada Tuzle.

14. Gradsko vijeće Tuzla traži od Službe za boračko-invalidsku zaštitu, raseljena lica integraciju raseljenih lica da dostavi informaciju da li je ijedna žrtva nasilja aplicirala za dodjelu stana u zakup.

15. Gradsko vijeće Tuzla traži od Ministarstva unutrašnjih poslova Tuzlanskog kantona i od Policijskih uprava da poduzmu sve aktivnosti u cilju dodatnog educiranja policijskih službenika za postupanje sa žrtvama nasilja, imajući u vidu činjenicu da su policijski službenici, u većini slučajeva, prve osobe kojima se žrtve nasilja obraćaju i od kojih očekuju pomoć i podršku, na način da im se posebna pažnja skrene na to da je potrebno da žrtve nasilja detaljno upoznaju sa svim pravima koja imaju kao i da im pruže podršku u vidu davanja što više potrebnih informacija koje su važne za dalju sigurnost i rješavanje nastale situacije kao i pravnu i faktičku zaštitu žrtve, mogućnost zbrinjavanja u Sigurnoj kući, naročito ako su tu i maloljetna djeca, koja često ostanu u kući sa nasilnikom pa se žrtva nasilja, ukoliko joj se ne pruži adekvatna podrška, vraća nasilniku.

## **NATAŠA PERIĆ**

Molim vijećnike da se izjasne o pročitanim zaključcima. Glasanje je okončano.

Konstatujem da su pročitani zaključci usvojeni sa,

23 glasa za, nije bilo protiv i nije bilo suzdržanih. Selma izvolite. (vijećnik Selma Čatibušić govori bez uključenog mikrofona op.a.)

## **SLAĐANA KRAJINA – sekretar Gradskog vijeća Tuzla**

Evo ja...Vjerovatno, ne znam, možda niste upratili. Na stranici Grada Tuzla posle svake Sjednice vijeća imate sve zaključke, imate Stenogramme sa sjednica, poziv za sjednicu, ali nije problem... (vijećnik Selma Čatibušić govori bez uključenog mikrofona op.a.) Može naravno. Evo čim budu potpisani ako hoćete možemo ih poslat, skenirat, kako god vam odgovara, il svim vijećnicima il samo vama, kako god? (NATAŠA PERIĆ – Ma dobro hajde ako insistira.) Ne nije problem. (NATAŠA PERIĆ – Ma dajte joj.) Pošaljemo nije problem važi.

Prelazimo na četvrtu tačku Dnevnog reda:

**RAZMATRANJE I USVAJANJE POD:**

**a) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA RSD "SLOBODA" TUZLA**

**b) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA "BINGO" D.O.O. TUZLA**

**c) ODLUKE O DODJELI U ZAKUP POSLOVNE PROSTORIJE NEPOSREDNOM POGODBOM UDRUŽENJU STRELJAČKI INVALIDSKI KLUB "TUZLA"**

**d) ODLUKE O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM OBRITNIČKA DJELATNOST – „SERVIS ZA KUĆANSKE APARATE EDO“ VLASNIK PEPIĆ PEĐA, TUZLA I**

**e) ODLUKE O DODJELI U ZAKUP POSLOVNIH PROSTORIJA NEPOSREDNOM POGODBOM JAVNE USTANOVE "CENTAR ZA KULTURU" TUZLA**

Predlagač je gradonačelnik.

Obradivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Molim da se izjasnimo o pročitanim odlukama u paketu. (SLAĐANA KRAJINA – Može, može.) U paketu. Molim da se izjasnite. Glasanje je okončano.

Konstatujem da su ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA RSD "SLOBODA" TUZLA

ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA "BINGO" D.O.O. TUZLA

ODLUKA O DODJELI U ZAKUP POSLOVNE PROSTORIJE NEPOSREDNOM POGODBOM UDRUŽENJU STRELJAČKI INVALIDSKI KLUB "TUZLA"

d) ODLUKA O DAVANJU SAGLASNOSTI NA ZAKLJUČENJE UGOVORA O ZAKUPU POSLOVNE PROSTORIJE SA ZAKUPCEM OBRITNIČKA DJELATNOST – „SERVIS ZA KUĆANSKE APARATE EDO“ VLASNIK PEPIĆ PEĐA, TUZLA I

e) ODLUKA O DODJELI U ZAKUP POSLOVNIH PROSTORIJA NEPOSREDNOM POGODBOM JAVNE USTANOVE "CENTAR ZA KULTURU" TUZLA usvojeni sa,

21 glas za, nije bilo protiv i nije bilo suzdržanih.

Peta tačka:

**RAZMATRANJE I USVAJANJE ODLUKE O DAVANJU SAGLASNOSTI NA PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE CENTAR ZA SOCIJALNI RAD TUZLA**

Predlagač je gradonačelnik.



Obrađivač: Upravni odbor Javne ustanove Centar za socijalni rad Tuzla i Služba za ekonomski razvoj, poduzetništvo i poljoprivredu a materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Imal potrebe za uvodnim izlaganjem? Nema. (Ima.) Molim? (vijećnik Zoran Jovanović govori bez uključenog mikrofona op.a.) Dobro. Nema problema. Ide uvodno izlaganje. (vijećnik Zoran Jovanović govori bez uključenog mikrofona op.a.) Nije to. Samo je jedna izmjena. (MENSUR ALIĆ – Ovo je izmjena jedna samo.) Molim? (vijećnik Zoran Jovanović govori bez uključenog mikrofona op.a.) Povlačite. Dobro.

Da li ima potrebe da se pročitaju izvještaji komisija? (Nema.)

Otvaram raspravu klubova vijećnika. Vijećnik Nedžad Jusić. Izvolite.

## **NEDŽAD JUSIĆ**

Ništa, ja ću samo pokušati kratko. Moram priznati da prvi puta vidim ovaj pravilnik i dobro je što ima svaka javna ustanova, komunalno preduzeće i svi drugi, da imaju određene pravilnike kako posluju, šta rade. Ovo mi je vrlo drago. Na kraj krajeva pokušao sam da ga pročitam, član 11. koji između ostalog predviđa edukaciju, jačanje kapaciteta svojih radnika da bi što kvalitetnije pružili uslugu, ali neću sada ništa komentarisati u vezi toga, to ću možda nekom drugom prilikom. Takođe član, ja mislim 102. predviđa određene sankcije za određene radnike ukoliko se ne pridržavaju, nisu stručni i nešto i to je dobro da ovdje imamo. I evo drago mi je na kraj krajeva da imam priliku, ovaj, da ga detaljno pročitam u nekom narednom periodu. Hvala.

## **NATAŠA PERIĆ**

U redu hvala. Da li se još neko javlja ispred klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o davanju saglasnosti na Pravilnik o izmjenama i dopunama Pravilnika o radu Javne ustanove Centar za socijalni rad Tuzla. Molim vijećnike da se izjasne. Ana? Glasanje je okončano.

Konstatujem da je za **SAGLASNOST NA PRAVILNIK O IZMJENAMA I DOPUNAMA PRAVILNIKA O RADU JAVNE USTANOVE CENTAR ZA SOCIJALNI RAD TUZLA** usvojena sa,

21 glas za, nije bilo protiv i nije bilo suzdržanih.

Šesta tačka:

### **RAZMATRANJE I USVAJENJE POD:**

**a) ODLUKE O RASPISIVANJU JAVNOG OGLASA O DAVANJU U ZAKUP POSLOVNIH PROSTORIJA I**

**b) RJEŠENJA O IMENOVANJU KOMISIJE ZA PROVOĐENJE JAVNOG OGLASA O DAVANJU U ZAKUP POSLOVNIH ZGRADA, POSLOVNIH PROSTORIJA I GARAŽA**

Predlagač je gradonačelnik.

Obrađivač: Služba za ekonomski razvoj, poduzetništvo i poljoprivredu a materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanja (pod b) i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika i stavljam na izjašnjavanje Odluku o raspisivanju javnog oglasa o davanju u zakup poslovnih prostorija i

Rješenje o imenovanju komisije za provođenje javnog oglasa o davanju u zakup poslovnih zgrada, poslovnih prostorija i garaža. Molim vijećnike da se izjasne. Glasanje je okončano.

Konstatujem da pročitana odluka i rješenje da su usvojeni sa,  
21glas za, nije bilo protiv i nije bilo suzdržanih.

Tačka sedam:

#### **RAZMATRANJE I USVAJANJE IMOVINSKO-PRAVNIH AKATA POD:**

**a) ODLUKA O PRIBAVLJANJU NEKRETNINE U VLASNIŠTVU GRADA TUZLE NEPOSREDNOM POGODBOM I DAVANJU SAGLASNOSTI NA ZAKLJUČENJE UGOVORA O PRIBAVLJANJU NEKRETNINE U VLASNIŠTVU GRADA TUZLE**

**b) ODLUKE O PRODAJI NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI I**

**RJEŠENJE O IMENOVANJU KOMISIJE ZA PROVOĐENJE POSTUPKA PREGOVARANJA ZA PRODAJU NEKRETNINE U VLASNIŠTVU GRADA TUZLE NEPOSREDNOM POGODBOM RADI OBLIKOVANJA GRAĐEVINSKE PARCELE ZA IZGRADNJU STAMBENO-POSLOVNOG OBJEKTA SA PRIPADAJUĆIM VANJSKIM UREĐENJEM TERENA U NASELJU DŽINDIĆ MAHALA U TUZLI**

Predlagač je gradonačelnik.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Imal potrebe za uvodnim izlaganjem? (Ima.) Ima. Molim predstavnika Službe da da uvodno izlaganje. Jasmin Bajrić ispred Službe. Izvolite.

#### **JASMIN BAJRIĆ – ispred Službe za geodetske i imovinsko – pravne poslove**

Hvala predsjedavajuća. Koristim priliku da vas, gradske vijećnike i sve prisutne pozdravim. Dakle, na Sjednici gradskog vijeća u aprilu mjesecu donesena je Odluka kojom se odobrava pribavljanje nekretnine u vlasništvo Grada Tuzla. Navedena Odluka je donesena iz razloga što je Grad Tuzla izveo radove na uređenju korita rijeke Jale. Znači, pravni osnov za takvo postupanje ima u Odluci o uvjetima i načinu raspolaganja nekretninama u vlasništvu Grada Tuzla. Na istoj toj sjednici imenovana je i komisija sa zadatkom da kroz postupak neposrednog pregovaranja pribavi predmetnu nekretninu od strane fizičkog lica. Služba za geodetske i imovinsko – pravne poslove kao Služba koja je nadležna da vodi upravne i stručne poslove vezane za raspolaganje nekretninama zaprimilo je od Komisije zapisnik sa prijedlogom načina pribavljanja predmetne nekretnine gdje je utvrđeno da je predmetna nekretnina pribavljena po cijeni koja, koja je navedena u članu 1. prijedloga ove odluke znači,

dvijehiljadesedamstotinačetrest konvertibilnih maraka i 61 konvertibilni fening, te predlaže Gradskom vijeću da se izvrši pribavljanje predmetne nekretnine. Na ovu odluku kao i na sve odluke o raspolaganju pribavljeno je i mišljenje Gradskog pravobranilašta koje je istaklo da nisu narušeni imovinski interesi Grada Tuzla.

To je što se tiče ove prve odluke pošto su dvije bile. (NATAŠA PERIĆ - Dobro.) Hoću i drugu da? (NATAŠA PERIĆ – Naravno sve što treba.)

Okej u redu, dakle, Gradskom vijeću putem Službe za geodetske i imovinsko – pravne poslove obratilo se pravno lice „Inproz“ kojem se u toku vođenja postupka priključilo, odnosno pridružilo zahtjevu i pravno lice „Uncrom“ sa zahtjevom za oblikovanjem građevinske parcele u skladu sa pravosnažnom, pravosnažnim rješenjem urbanističkoj saglasnosti a za izgradnju poslovnog objekta kako je navedeno u članu 1. ove odluke.

Cijeneći dostavljenu dokumentaciju dakle, ovdje se radi o dvije parcele koje čine tu građevinsku parcelu. Jedna od njih je u vlasništvu Grada Tuzla, te je Služba za geodetske i imovinsko – pravne poslove prilikom pregleda ove dokumentacije utvrdilo da postoje uslovi za vođenje predmetnog postupka. Naime, i po Zakonu o stvarnim pravima, tačnije članom 363. stav 3. tačka 5. kao i Odlukom o raspolaganju nekretninama Gradskog vijeća propisano je kao izuzetak od postupka javnog oglašavanja za prodaju nekretnina postupak neposredne pogodbe baš u ovim slučajem, u slučaju formiranja građevinske parcele na osnovu pravosnažnih urbanističkih saglasnosti što su u ovom slučaju ispunjeni uvjeti. Uslov za to je da podnosioci zahtjeva, odnosno vlasnici tih građevinskih parcela imaju udio u tome, u vlasništvu u građevinskoj parceli više od 51% što je naravno opet Služba utvrdila da je tako.

Ovom Odlukom ujedno se propisuju i uslovi kako će doći do postupka neposrednog pregovaranja dakle, za prodaju ove predmetne nekretnine a to je da bi se, da će se imenovati vještak odgovarajuće struke koji će izvršiti procjenu nekretnina, a kako je za ovu odluku i inače vezana i tačka u materi...tačka dnevnog reda o imenovanju komisije dakle, propisuje se da će komisija imenovana od strane Gradskog vijeća provesti taj postupak sa zadatkom da, da izvrši znači, neposrednu pogodbu za prodaju ove nekretnine, s tim što ovdje naglašava, što je jako bitno, da početna i postignuta cijena u postupku neposrednog pregovaranja mora biti veća od tržišne, dakle, na taj način ne bi došlo do narušavanja imovinskih interesa Grada Tuzla.

Ova odluka kao i prethodna data je Gradskom pravobranilaštvu na mišljenje, te su isti takođe istakli da nisu narušeni imovinski interesi budući da će postignuta cijena uvijek biti veća od tržišne.

## **NATAŠA PERIĆ**

U redu hvala. Otvaram...

Da li ima potrebe da se pročitaju izvještaji komisija? Sjedite vi tu. Dobro.

Otvaram raspravu klubova vijećnika. Vijećnik Mensur Alić. Izvolite.

## **MENSUR ALIĆ**

Evo ja ću samo postaviti jedno pitanje a to sam i na Kolegiju govorio o tome i kad je trebalo da se uvrsti ova tačka dnevnog reda.

Mislim da nema smisla dostavljat ovako va-žan materijal u nekih 24 sata, ili su neki vijećnici jutros dobili tek u spisu dokumentacije koja je još dostavljena, tako da mnogi nisu mogli ni pročitati ovo o čemu ste vi sad govorili.

Drugo. Kako može neko dobiti u ovom gradu za osam dana rješenje da se može otkupit zemljište a u Gornjoj Tuzli se čeka tri godine da bi se moglo otkupit zemljište građevinsko, ili se čeka de-set godina na uspostavljanju poslovne zone ili regulacionog plana o čemu je Omer

govorio upravo da su nam poslovne prostore, poslovne zo-ne veoma bitne za razvoj ovoga grada i za razvoj ekonomije?

Zbog toga nije mi jasno kako na ovakav način se može nekome...Ne govorim sad o ovoj firmi, uopšte me to ne zanima, ali postupak sam po meni za osam dana da neko može dobiti tako brzo odgovor i rješenje meni to nešto baš ne izgleda dobro. Hvala ljepo.

## **NATAŠA PERIĆ**

Hvala kolegi Aliću.

Da li se još neko javlja ispred klubova vijećnika?

Zatvaram raspravu klubova vijećnika.

Otvaram raspravu vijećnika. Vijećnik Berbić. Izvolite.

## **OMER BERBIĆ**

Ovo pod b) me zanima, odnosno ova Odluka o prodaji nekretnine pošto sam i ja sam čitao u materijalima a nisam vidio cijenu, a mislim da je kolega spomenuo da je cijena u materijalima il nešto, neka, da li je, da li je, Il ja to nisam dobro čuo?

Ovaj, pošto sam ja shvatio da treba sad Komisija da, da napravi neku tržišnu vrijednost da to treba da bude iznad tržišne vrijednosti. E sad ne znam da li smo dobili cijenu il nismo? Et samo čisto to (NATAŠA PERIĆ – Dobro.) radi pojašnjenja. Hvala.

## **NATAŠA PERIĆ**

Dobro. Dal se još neko javlja od vijećnika? (Mogul ja?) Može. Vijećnik Kapidžić. Izvolite.

## **ALEN KAPIDŽIĆ**

Eh hvala. Pa ja se jednim dijelom ovdje slažem i s Mensurom znači, zato što imam običaj i nije to, nije ovo prvi primjer, ovaj, da stavljamo vrlo važne materija-le pred samu sjednicu i desilo nam se puno puta da nam se to obije o glavu a s druge strane evo i pitanje ali kako sam evo čuo izlaganje predlagača obrađivača da je sve po zakonu ponovo pitam kako vidim ovdje je sve po zakonu i mi tražimo da bude Gradska uprava efikasna i stalno to ponavljam. Evo sad je efikasna. Hoćemol? Ako je sve po zakonu ja nemam ništa protiv ove odluke. Et. I samo da mi se odgovori na to pitanje. Hvala.

## **NATAŠA PERIĆ**

Dobro. Hvala. Da li se još neko od vijećnika javlja?

Zaključujem raspravu vijećnika.

Zamolit ću vas samo da odgovorite na pitanja koja su vijećnici postavili.

## **JASMIN BAJRIĆ – ispred Službe za geodetske i imovinsko – pravne poslove**

Pokušat ću da budem što precizniji. Dakle, vrijeme u kojem se određena odluka donese nije vezana, sad da li je to ranije ili prije, u suštini, ako su ispunjeni zakonski uslovi mi postupamo po načelima upravnog postupka za...a takođe napomenuo sam to da mi vodimo upravne, stručne i druge poslove do donošenja odluke koje danas ovdje treba biti donesena.

Samim time kada se podnese ovakav jedan zahtjev, mi cijenimo, odnosno podvodimo ovu situaciju pod određenu pravnu normu i ako je uspijemo podvest i ako su ispunjeni uslovi ide se na, ide se na predlaganje ove odluke.

Ponavljam ponovo dakle, podnosilac zahtjeva je u ovom slučaju dostavio pravosnažnu urbanističku saglasnost. Ako je pitanje bilo usmjereno kako je donesena pravosnažna urbanistička saglasnost to nije pitanje za ovu Službu. Ali to bi u suštini bilo dinamika kojom se donose...u stvari to nije rješenje to je odluka kojom se u stvari donosi, donosi odluka o prodaji ove nekretnine, vezano za procjenu tržišne vrijednosti u drugom ovom...Prva odluka je u suštini bila već postignuta je cijena i predlaže se pribavljanje. Sad nisam siguran da li se mislilo na prvu odluku il na drugu odluku o prodaji il o pribavljanju? O prodaji u redu. U prodaji. U prodaji dakle, u članu 3. stav 3. prijedloga ove odluke dakle, predlaže se Vijeću da će se, da se u stvari vještačenjem utvrdi tržišna cijena. Ta cijena koja se utvrdi i Komisija koja bude imenovana za provođenje ove odluke ima zadatak, tako i u prijedlogu Rješenja o imenovanju komisije, da ispregovara tako što će vještak dostaviti početnu tržišnu a zadatak Komisije je da krene sa...Cijena s kojom kreće u postupak neposrednog pregovaranja mora biti viša od početne tržišne i postignuta mora biti viša. To će se utvrditi u toku postupka, a nakon što se utvrdi i onda kad Komisija završi svoj zadatak dostavit će ponovo prijedlog nove odluke kojom se odobrava prodaja...Prijedlog je...O prijedlogu odluke jeste, jeste. Ovo je znači odluka kojom samo se Vijeće upoznaje, odnosno daje praktično uputu Službi za geodetske i imovinsko – pravne poslove koja vodi postupak i naravno Komisiji na koji način će provesti ovu odluku, a tržišnu cijenu će vještak formirati.

A sad ne znam da li...A zakonsko postupanje dakle 363. stav 3. tačka 5. dakle, izuzetak kod postupka javnog oglašavanja koje je inače pravilo u postupku raspolaganja nekretninama da je zakon omogućio dakle, u postupku formiranja građevinske parcele tada se može preći u postupak neposrednog pregovanja. (vijećnik Alen Kapidžić govori bez uključenog mikrofona op.a.)

## **NATAŠA PERIĆ**

Hajde. Al nemojte samo da bude praksa. (vijećnik Alen Kapidžić govori bez uključenog mikrofona op.a.) Hajde može. De ko je isključio?

## **ALEN KAPIDŽIĆ**

Ma samo u vezi ovog ovo što je kolega Mensur Alić spomenuo. Znači jel postoji bilo kakva za-konska prepreka da se donese ovakva odluka u roku od osam dana? Znači, samo me to interesuje. Imal to igdje i ako nije za vaš, za vas pitanje ko može odgovoriti? Et to je to.

## **NATAŠA PERIĆ**

Nemojte dobacivat.

## **JASMIN BAJRIĆ – ispred Službe za geodetske i imovinsko – pravne poslove**

Samo morate mi reći 8 dana u odnosu na koji period? Koji...(NATAŠA PERIĆ – Pa kao brzo je razumijete podnesen zahtjev i odmah je riješeno, a ima nekih zahtjeva koji su...) Gradskom vijeću obratilo se dakle, sa zahtjevom od 13. 06. 2023. kojem se u toku postupka pridružio i drugo pravno lice. (vijećnik Alen Kapidžić govori bez uključenog mikrofona op.a.)

## **NATAŠA PERIĆ**

Dobro, ništa. Jel to Measure?

## **MENSUR ALIĆ**

A imamo pitanje. Ja samo hoću...Ne mogu da shvatim i neću da prihvatam materijale koji će mi doći u, na, ovdje na recepciji kad dolazim na Gradsko vijeće i ja sad moram ovdje čitav dan da ovo čitam, da tražim gdje je šta, kako. Ovo je materijal veoma ozbiljan. Ovo je prodaja zemljišta. Pa svi se u gradu ovom otimaju ko će kupit 100 kvadrata-200 kvadrata zemljišta i mi dobijemo od...Nije ovo odluka. Ovo je razma-tranje samo prijedloga odluke o promjeni, o prodaji zemljišta jel? Ja to znam dobro. I nije ovo odluka koju ćemo mi sad da se utvrđuje cijena i ostalo. Ovo je odluka koja je krenula i ona će ići sad brzo. Formira se Komisija, ide to brzo. Ali dostavit materijal ovakav na Vijeću gradskom vijećnicima mislim da je to neozbiljno. (NATAŠA PERIĆ – Al to ćemo šefici uputit.) To govorim. O tome ja govorim. Ne, mene ne interesuje uopšte firma, ni ovo ni ono, kako procedure. (NATAŠA PERIĆ – Nemojte nema više molim vas rasprave.) Ja to, u to neću da ulazim jel po zakonu, nije po zakonu. (NATAŠA PERIĆ – Nema diskusije više.) Al nije pošteno prema na-ma vijećnicima koji donosimo ovde odluke sve da budemo ovdje samo ikebane i da dižemo ruku za nešto što neko nam poturi. Nama se desila jedna strašna greška prije dvjetri godine kad su nam tako isto poturili iz Službe za komunalne poslove taksu pa smo onda tri godine pokušavali da skinemo tu taksu. E zbog toga ja ne želim da dobijem ovako materijal na brzinu pa da ja dignem ruku i da posle toga budem na, na ovaj, prozivan u medijima i ostalom. Samo zbog toga. (NATAŠA PERIĆ - Dobro. Dobro.) Samo to. To je samo u pitanju. (NATAŠA PERIĆ – Molim vas. Mi ćemo ovo uputit.) To je procedura. Procedura ništa drugo.

## **NATAŠA PERIĆ**

Ovu ćemo, ovu ćemo primjedbu uputiti prema Službi i nije samo ovoj Službi, prema svim Službama da sve ozbiljne predmete dobijemo naj-manje 8 dana ranije, odnosno sa predmetima koji su u skladu s Poslovníkom kad se šalje, ovaj, Vijeću. (MENSUR ALIĆ – Pa ne možeš dobit jedan regulacioni plan primjera radi prije na 48 sati.) Pa znam. Slažem se. (MENSUR ALIĆ – Nismo mi svi stručnjaci u svakom materijalu.) Pa nismo. (vijećnik Zoran Jovanović govori bez uključenog mikrofona op.a.) Jesu. Jesu. Ne kažem, al ovo sad što je kolega rekao prodaja zemljišta i te neke stvari, regulacioni planovi. (MENSUR ALIĆ – To mora.) Ne izdvajam ja ništa al znam šta je mislio kolega Alić. Ništa.

Stavljam na izjašnjavanje Odluku o pribavljanju nekretnine u vlasništvo Grada Tuzle neposrednom pogodbom i davanju saglasnosti na zaključenje ugovora o pribavljanju nekretnine u vlasništvo Grada Tuzle,

Odluke o prodaji nekretnine u vlasništvu Grada Tuzle neposrednom pogodbom radi oblikovanja građevinske parcele za izgradnju stambeno-poslovnog objekta sa pripadajućim vanjskim uređenjem terena u naselju Džindić Mahala u Tuzli i

c) Rješenje o imenovanju komisije za provođenje postupka pregovaranja za prodaju nekretnine u vlasništvu Grada Tuzle neposrednom pogodbom radi oblikovanja građevinske parcele za izgradnju stambeno-poslovnog objekta sa pripadajućim vanjskim uređenjem terena u naselju Džindić Mahala u Tuzli. Molim vijećnike da se izjasne. Glasanje je okončano. U nije. Izvinjavam se. Poništavam ja nisam. Izvinite. Izvinite. Ponovo. De, Elvire? Jeste al nisam ja. Hasibe glasaj. Glasanje je okončano.

Konstatujem da su pročitane odluke i rješenje usvojeni sa,  
23 glasa za, nije bilo protiv i 1 suzdržan.

Tačka osam:

### **RAZMATRANJE I DONOŠENJE RJEŠENJA O IZMJENI I DOPUNI RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLA**

Obrađivač je Služba za komunalne poslove, izgradnju i poslove mjesnih zajednica.

Materijal su razmatrali: Komisija za izbor i imenovanja i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika. (Nema.)

Zatvaram raspravu vijećnika i stavljam na izjašnjavanje Rješenje o izmjeni i dopuni rješenja o imenovanju koordinacijske radne grupe za izradu programa kapitalnih investicija Grada Tuzla. Glasanje je okonča...Ha? (ELVIR BIJEDIĆ – Samo sekundu Sabiha nije još.) Aha. Glasanje je okončano.

Konstatujem da je RJEŠENJE O IZMJENI I DOPUNI RJEŠENJA O IMENOVANJU KOORDINACIJSKE RADNE GRUPE ZA IZRADU PROGRAMA KAPITALNIH INVESTICIJA GRADA TUZLA usvojeno sa,

23 glasa za, nije bilo protiv i nije bilo suzdržanih.

Tačka devet:

### **RAZMATRANJE INFORMACIJE O STANJU I POLOŽAJU NACIONALNIH MANJINA U GRADU TUZLI**

Predlagač je gradonačelnik.

Obrađivač: Služba za kulturu, sport, mlade i socijalnu zaštitu.

Materijal su razmatrali: Komisija za zaštitu prava nacionalnih manjina i klubovi vijećnika.

Imal potrebe za uvodnim izlaganjem? (Nema.)

Imal potrebe da se pročitaju izvještaji komisija? (Nema.)

Otvaram raspravu klubova vijećnika. Izvolite. Nedžad Jusić kao predlagač inicijative.

### **NEDŽAD JUSIĆ**

Okej, hvala predsjedavajuća. Al prije svega želim da se...Prije svega želim da se zahvalim Službi za kulturu, sport, mlade i socijalnu zaštitu koji su stvarno kvalitetno uradili ovu INFORMACIJU O STANJU I POLOŽAJU NACIONALNIH MANJINA U GRADU TUZLA iz koje se može vidjeti da grad Tuzla je otvoren grad za sve građane koji žive u gradu i koji su i u prolazu mogu i tako reći i da daje punu podršku za zaštitu prava kažem nacionalnih manjina.

Ja ću samo da podsjetim 2003. godine usvojen je Zakon o zaštiti prava pripadnika nacionalnih manjina na državnom nivou. Izmjene i dopune su neke bile 2005. godine i tada je priznato pravo za 17 pripadnika nacionalnih manjina.

Prema popisu stanovništva iz 2013. godine od ukupnog broja nacionalnih manjina kome je priznato pravo kao status nacionalne manjine 74% je Romska nacionalna manjina, znači 26% je, su svi ostali-le nacionalne manjine i to jednostavno i s druge strane govori jedno da imamo

veći broj nacionalnih manjina u gradu Tuzla. Od toga su najbrojnija Romska nacionalna manjina.

Evo ovdje možemo pogledati u informaciji da u Gradu Tuzla, odnosno u Budžetu se odvajaju finansijska sredstva za pripadnike nacionalnih manjina, odnosno njihova udruženja, da je to bilo do 2016. godine samo za Romsku nacionalnu manjinu. Ja sam tada, ja mislim šesneste, jeste došao, odnosno izabran u Gradsko vijeće i tada sam pokrenuo inicijativu da se oformi novi budžetski kod i da se dodjele i drugim nacionalnim manjinama i sada trenutno imamo ukupno sedamdeset i sedam hiljada maraka za nacionalne manjine, od toga je 50.000 za Romsku nacionalnu manjinu i 27.000 za druge nacionalne manjine. Iako po broju, po broju Roma u gradu Tuzla to bi haj ukoliko bi gledali procentualno bi trebalo za koji procenat i više da bude finansijskih sredstava za Romsku nacionalnu manjinu, ali nevezano ovo je dovoljno da se mogu određene aktivnosti raditi. I ja još jednom, evo za kraj, ne bih dalje dužio, želim još jednom da pohvalim Službu za kulturu, sport, mlade i socijalnu zaštitu i gospođu Asju koja nam stvarno pruža maksimalnu podršku i pomoć za bilo koje aktivnosti koji rade nacionalne manjine u Gradu Tuzla. Hvala.

### **NATAŠA PERIĆ**

U redu hvala. Kolega Ćerim Rastoder, ispred Kluba samostalnih vijećnika.

### **ĆERIM RASTODER**

Hvala predsjedavajuća. Ja ću vrlo kratko. Mi smo svjedoci bili da, da smo zadnje dvije-tri godine a možda i prije imali dosta dopisa od nacionalnih manjina, njihovih udruženja itd. i mislim da smo u ovoj godini dosta tih stvari ispravili. Ja sam lično se susretao sa svim ovim udruženjima i mislim da je napravljena jedna konekcija da to Nedžad je sad uvezo da oni imaju sad sve bolje i bolje odnose i to je vrlo važno za ovaj grad, onaj, povećana su i sredstva naravno i zahvaljujem se i šefici Službe koja je to isto tako odradila u ovoj godini, a nadam se i u narednom periodu i mi bez obzira kolko koje udruženje, odnosno kolko koja nacionalna manjina ima ljudi trebamo kao Grad Tuzla, a posebno pošto smo po tome prepoznatljivi, kao grad multietičnosti itd., da brinemo i u narednom periodu o svim ovim nacionalnim manjinama i njihovim udruženjima koji djeluju na ovom prostoru.

I hoću još jednom da kažem da, da Nedžad Jusić to jako dobro radi i da ne misli samo za Rome, nego da u posljednje vrijeme ima česte sastanke i susrete i sa ostalim nacionalnim manjinama i da mislim da, da onaj, tako treba i nastaviti. Toliko. Hvala.

### **NATAŠA PERIĆ**

U redu. Hvala vam Ćerime. Vijećnik Zoran Jovanović, ispred zajedničkog kluba.

### **ZORAN JOVANOVIĆ**

Ma ja, ja ću kratko. Evo imamo ovu INFORMACIJU O POLOŽAJU NACIONALNIH MANJINA U GRADU TUZLA. Dobro je da podržavamo rad, posebno Roma kao nacionalne manjine. Oni su po meni najaktivniji u gradu Tuzla, ne samo u Gradu Tuzla nego i na Tuzlanskom kantonu. Al mi je žao, evo imali smo skoro jednu manifestaciju, proslava Aliduna, romskog praznika. Mislim da nam je kolega Jusić poslao svima pozivnice, kao kolegama vijećnicima i nažalost mislim da nas je bilo dvoje ili troje, a šteta što smo, što ste propustili takvu manifestaciju. To je, to je jedan vid kulture Roma i mislim da smo je trebali podržati.



Al evo čestitam Službi za kulturu, sport i mlade, da nastave u ovom pravcu i da još ako budu u mogućnosti finansijski podrže, jer sve je do novca, jer smo mi neprofitabilna organizacija i treba pomoć ovakvim, ovakva udruženja. Hvala.

## **NATAŠA PERIĆ**

Hvala. Zaključujem raspravu klubova vijećnika.

Otvaram raspravu vijećnika.

Zatvaram raspravu vijećnika i konstatujem da smo primili k znanju INFORMACIJU O STANJU I POLOŽAJU NACIONALNIH MANJINA U GRADU TUZLI.

Dajem pauzu od 10 minuta prije nego što krenemo na preduzeća. (Pauza.)

## **ELVIR BIJEDIĆ - zamjenik predsjedavajućeg Gradskog vijeća Tuzla, -vijećnik Socijaldemokratske partije**

Pozivam vijećnice i vijećnike da uđu u salu, kako bi nastavili sa radom. Hvala. Molim, molim vijećnike da zauzmu mjesta. Selma, da krenemo samo, molim te.

Prelazimo na desetu tačku Dnevnog reda. Molim vas malo samo za tišinu.

Prelazimo na desetu tačku Dnevnog reda:

## **RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA ČIJI JE OSNIVAČ ILI SUOSNIVAČ GRAD TUZLA ZA 2022. GODINU:**

- a) Tržnice-pijace d.o.o. Tuzla
- b) JKP Vodovod i kanalizacija Tuzla
- c) Centralno grijanje d.d. Tuzla
- d) JKP Komemorativni centar d.o.o. Tuzla

Predlagač: skupština preduzeća.

Obrađivač: menadžment preduzeća.

Materijal su razmatrali: Komisija za ekonomske odnose, Komisija za poduzetništvo, Komisija za komunalne poslove i pitanja mjesnih zajednica (pod b, c i d) i klubovi vijećnika.

Da li ima potrebe za uvodnim izlaganjem? (MENSUR ALIĆ – Poslovnička). Izvolite kolega Alić.

## **MENSUR ALIĆ**

Zahvaljujem predsjedavajući. Ja bi ponovo predložio da direktori i menadžment ne odgovara na pitanja postavljena, jer će bit puno pitanja. Da odgovore pismenim putem u narednom periodu svim vijećnicima na postavljena pitanja iz svih javnih komunalnih preduzeća, tako da bi zamolio da ovo stavite na glasanje i da se zaduži Stručna služba da dostavi svim vijećnicima odgovore na pitanja, koja će bit danas postavljena.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala, hvala kolega Aliću, obzirom da smo dosad imali takvu praksu i pozitivne primjere odgovora direktora preduzeća. Evo stavljam, ovaj, prijedlog kolege Mensura Alića na izjašnjavaње.

Ko je za prijedlog?

Glasanje je okončano.

Konstatujem da je prijedlog kolege vijećnika Mensura Alića dobio 24 glasa i kao takav je usvojen.

Izvinjavam se, nisam vidio. (NATAŠA PERIĆ – 20 glasova za). Malo mi je sjena, 20. Izvinjavam se. Sjena je od... (NATAŠA PERIĆ – 3 protiv i 1 suzdržan).

20 glasova za, 3 protiv i 1 suzdržan.

Hvala. Nastavljamo dalje.

Ima li potrebe da se pročitaju izvještaji komisija?

Otvaram raspravu klubova vijećnika.

Za riječ se javio vijećnik Anel Ibeljić ispred Kluba vijećnika SDP-a. Izvolite.

**ANEL IBELJIĆ**

Zahvaljujem. Evo ja ću na početku da zahvalim se i pohvalim menadžment ova četiri javna preduzeća. U svojoj diskusiji osvrnut ću se na izvještaj o poslovanju dva preduzeća i to Vodovoda, te Komemorativnog centra, a kolege iz Kluba će nešto više reći o ostala dva preduzeća.

Kada je riječ o preduzeću VODOVOD I KANALIZACIJA TUZLA, mogu slobodno reći da je to jedno od najboljih javnih preduzeća, ne samo u gradu, nego i u cijeloj Bosni i Hercegovini. Svi znamo sa kakvim smo se problemima suočavali prije nekih dvadesetak godina, kada su bile, ovaj, redukcije vode. Sa ponosom možemo reći da je ovo unazad šesanst godina zaredom. Nismo imali nikakvih redukcija, a sve to uz desetogodišnje pozitivno poslovanje, a ono što raduje jeste činjenica da grad Tuzla ima riješeno dugoročno pitanje vodosnabdjevanja.

Svi ste dobili ovaj iscrpni izvještaj na preko stotinu strana. Mogli ste vidjeti šta se to uradilo tokom 2022. godine i te stvari, ovaj, ne bi komentarisao, da se ne ponavljam, oni koji žele, mogu to pročitati u izvještaju. Međutim, moram reći, ovaj, o problemima možda sa kojim se suočava ovo preduzeće, ali svakako i svi mi vijećnici koji dobijamo često upite od građana vezano za sanaciju određenih prekopa i iskopa i sam sam se pitao, zbog čega neke rupe stoje po mjesec, dva ili više dana. Iz razgovora sa menadžmentom došao sam do spoznaje, da u stvari to nije njihova krivica, nego je to možemo reći viša sila, odnosno oni nisu u mogućnosti da nabave dovoljne količine asfalta od preduzeća koja se bave proizvodnjom asfalta, te upravo to je znači jedini razlog zbog čega određeni prekopi stoje tako dugo.

Obavio sam određeno istraživanje. Vidio sam da Sarajevo, odnosno JKP „RAD“ Sarajevo još od 1999. godine ima postrojenje za proizvodnju asfalta koji proizvodi 50 tona asfalta na sat. Tako ispred Kluba SDP-a predložiti ću zaključak da Gradsko vijeće Tuzla traži od nadležne gradske službe da provede studijsko istraživanje društveno ekonomske opravdanosti osnivanja javnog preduzeća za proizvodnju asfalta.

Posljednjih nekoliko godina česte su poplave, ovaj, u gradu. Znamo da je to najčešće produkt obilnih padavina. Međutim, predložiti ću jedan zaključak da Gradsko vijeće Tuzla traži od menadžmenta preduzeća da poduzme aktivnosti na učestalijem čišćenju i održavanju kanalizacione mreže, kao što stoji u izvještaju o poslovanju za 2022. godinu. Svi ste mogli

vidjeti da je oko 97% grada pokriveno vodovodnom mrežom. Nažalost, 3% naših sugrađana nema pristup toj mreži. Mišljenja sam da trebamo učinit sve što je moguće, kako bi oni dobili mogućnost priključenja, te predlažem da donesemo zaključak: Gradsko vijeće Tuzla sugeriše menadžmentu da poduzme sve neophodne aktivnosti kako bi pokrivenost vodovodnom mrežom u gradu iznosilo 100%.

Ovdje bi takođe istakao činjenicu da i ovih 97% pokrivenosti vodovodne mreže, mrežom, daleko iznad prosjeka koji je čak i u Evropskoj uniji.

Kada je riječ o JAVNOM KOMUNALNOM PREDUZEĆU KOMEMORATIVNI CENTAR TUZLA, isto tako moram pohvaliti menadžment ovog preduzeća koji je imao za mene prilično uspješno poslovanje, iako je bilo poslovanje u minusu, oni imaju akumuliranu dobit od ranijih godina, što je takođe vidljivo. Nažalost, njihova djelatnost je takva da se ne mogu planirati, ne mogu plairati ti neki njihovi prihodi. Znači, nisu fiksni, varijabilni su.

Svi smo svjedoci, evo da u posljednjih par godina, možda i pet, šest i više godina imamo određenih problema sa nedostatkom dovoljnog broja mjesta za ukop, odnosno, u narednom periodu sigurno će taj problem biti, bio bi, ovaj, prilično velik da Grad Tuzla na vrijeme nije razmišljao o tome i znamo da je prije nekoliko godina pokrenuta aktivnost za izgradnju Gradskog groblja Drežnik. Vidimo da se gotov svakodnevno radi na tom projektu.

Predlažem, evo, ispred Kluba SDP-a da donesemo jedan zaključak: Gradsko vijeće Tuzla traži od menadžmenta preduzeća i Službe za komunalne poslove da inteziviraju radove na projektu izgradnje Gradskog groblja Drežnik, ovaj, to nam je otvaranje tog groblja, znači treba da bude što prije, kako bi ovaj problem nedostatka grobnih mjesta riješili u što skorijem roku. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem kolega Anel Ibeljić. Jel se još neko javlja ispred klubova vijećnika?

Zatvaram raspravu klubova vijećnika.

Otvaram raspravu vijećnika.

Za riječ se javio vijećnik Omer Berbić. Izvolite Omere.

**OMER BERBIĆ**

Hvala ljepo. Evo i ja ću se ovdje, ovaj, prvo ću se fokusirati na izvještaj, mislim četiri dosta OK izvještaja. Imamo dvije jako ozbiljne firme koje rade jako ozbiljan posao i Centralno grijanje se vidi ta nova svježa krv i Vodovod i kanalizacija drži neki standard i mislim da su ovo dvije dobre firme, osim tih prekopa i na jednom i na drugom slučaju stvarno teško im se može šta zamjerit, znajući evo da smo u prethodne dvije godine što se tiče samog CENTRALNOG GRIJANJA i donijeli neke može se reći decenijske odluke, kao što je evo ovaj novi vrelovod što ide i tako dalje. Mislim da će ovi izvještaji biti sve bolji i bolji i sama debljina izvještaja govori o koliko se ozbiljnosti radi.

Također i evo Komemorativni centar i Tržnice-pijace onako transparentan, transparentan je izvještaj i pogotovo ću se ovdje sada fokusirat na TRŽNICE – PIJACE za koje vidimo da nema nekog napretka. Iz godine u godinu mi dobijamo izvještaje u kojem vidimo da spada broj ljudi koji uzimaju faktički štandove, da Tržnice-pijace na neki način gube svoju funkciju i iz godine u godinu evo mi, ovaj, izvještaj onako usvojimo bez ikakvih problema, a ne poboljšava se stanje.

I ovdje je otkad sam ja vijećnik bilo desetine dobrih prijedloga koji nisu na kraju izašle na plodno tlo od toga da se ja moram opet spomenuti uvede Korpa ili Glovo, kao dostava svježeg voća, ovaj, i povrća ljudima na vrata, pa do „xy“ dobrih ideja koje, koje menadžment

ovdje nije sproveo. Nadam se da će sprovesti nekada i da vidimo neki pomak ovdje, jer vidimo zaista evo od dvije hiljade, sa 2021. na 2022., svi skoro kapaciteti su spadali. Na svakoj skoro pijaci su spadali kapaciteti, izdati kapaciteti u ovom preduzeću.

I onda se postavlja pitanje, zbog čega će nam ovoliki kapaciteti? Ja sam prošli puta tražio, pa evo Gradsko vijeće je odbilo takvu vrstu zaključka da se Centralna gradska pijaca vidi koliko je njen zaista raspoloživi kapacitet, odnosno koliko joj treba, a da ostalo damo BIT centru da se tu izgradi novi BIT centar, pola pijace nek ide u BIT centar, bože moj, ako, ako se neće ovi kapaciteti koristiti. Ja mislim da u tome trebamo biti puno brži u donošenju ovakvih jednih, što se kaže, radikalnih odluka. Ukoliko zaista nešto ne ide, a mi to vučemo tri, četiri, pet godina, onda nema, nema zaista ni smisla da se to vuče. Hajmo napraviti neki rez i hajmo početi neke nove stvari da vidimo šta tu može funkcionisati. Jer zaista Gradske pijace dobijaju najbolje moguće lokacije i treba da dobijaju i treba da postoji Gradska pijaca jer ona treba da ima neku funkciju. E sad, koliku funkciju imamo ako nam spadaju kapaciteti? To je jako veliko pitanje.

Ovdje bi ja volio da jednim zaključkom obavežemo opet menadžment da proba uvesti Korpu ili Glovo na Tržnice-pijace, barem na ovu centralnu i na malu i da probamo tim sistemom na neki način možda malo dići prodaju sa tih pijaca, pa samim time i možda opet izdati kapacitet.

Drugi zaključak bi dao da menadžment ovog preduzeća napravi jednu vrstu akcije gdje će se napraviti Grace period za ljude koji iznajmljuju, pa dati možda na dva ili tri mjeseca džaba raspoloživi kapaciteti koji nisu iskorišteni, kako bi ljudi vidjeli da od toga može da se živi, pa će neki koji, koji, koji prihvate takvu vrstu dva, tri mjeseca džaba, koji, koji vide da se isplati biti na pijacama, ostati tu, pa na taj način probamo malo razdrmati te kapacitete. (ELVIR BIJEDIĆ – Molim vas da privodite kraju). Evo ja ću, samo ovaj, da apsolviram što sam želio da kažem.

Vidim da isto tako postoji magacinski prostor koji je prazan. Volio bi da menadžment preduzeća iskoristi ovo na neki način da predstavi javnosti da postoji taj magacinski prostor prazan. Puno firmi nema gdje da stavi svoju robu.

I, evo za kraj, dobio sam jednu zamolbu od ljudi Simin Hana, pored pijace. Tamo navodno ima jedan dio prostora, a koji je u vlasništvu pijace, koji se izdaje firmi ADRE, ja mislim da se zove. U pitanju je šljunkara i ljudi kažu da je to faktički postalo odlagalište otpada. Znači, ja samo prenosim ovdje informacije. Volio bi da mi menadžment javnog preduzeća da odgovor da li oni izdaju ovoj firmi taj prostor i ukoliko izdaju, po kojim uslovima? Da mi se dostavi ugovor o tom izdavanju. Hvala lijepo.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem kolegi Berbiću. Sljedeća za riječ se javila vijećnica Selma Čatibušić. Izvolite.

**SELMA ČATIBUŠIĆ**

Ništa. Ja ću samo tražiti da mi se odgovori na inicijativu od strane Tržnica-pijace od 16.06.2023. godine. Služba za komunalne poslove je prosljedila ovu inicijativu u sedmom mjesecu Tržnicama i još uvijek nisam dobila odgovor na tu inicijativu i molim da mi se odgovori na nju. Ako treba navest ću i koji je broj: 05-1051910210/23. Eto. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolegice Čatibušić. Sljedeći za riječ se javio kolega vijećnik Zoran Jovanović. Izvolite.

**ZORAN JOVANOVIĆ**

Hvala dopredsjedavajući. Ja ću isto kratko. Što se tiče izvještaja JAVNOG KOMUNALNOG PREDUZEĆA VODOVOD I KANALIZACIJA, za sve one, pošto sam ja malo stariji, ovaj, za sve one koji imaju namjeru da diskutuju, samo nek povuku paralelu nekada i sada i ovaj, sve će nam biti jasno. Mislim da dobro rade, nije mislim, tvrdim. Imamo vodu 24 sata što se može rijetko koji grad u Bosni i Hercegovini pohvalit, pogotovo u ovim sušnim mjesecima, što se tiče...Nije ni skupa, da budemo opet tu jasni. Veliki su troškovi, ogromni. Ja sam malo ušo u sistem rada Vodovoda. Troškovi električne energije su ogromni za potiskivanje vode, tako da evo čestitam i nek nastave u ovom tempu. Imamo dobrog direktora, mladog, sposobnog koji hoće da napravi nešto. Treba ga podržat. Aid je mlad (smijeh).

CENTRALNO GRIJANJE. Ja sam o tome diskutovao kad je bilo onaj drugi vod, kad je ovdje projekat drugog voda. Mi smo grad sa naj jeftinijom cijenom grijanja po kvadratnom metru u Evropi, nije u Bosni i Hercegovini. Radi se. Svjedoci smo evo i dan danas šta se radi u gradu. Remont velikog dijela mreže. Isto za pohvalit. Nemamo ništa posebno.

KOMEMORATIVNI CENTAR TUZLA. Evo ja sve u superlativu. Al ima razlog. Od direktora do zaposlenika, profesionalnost, odgovornost i ljubaznost. Barem iz mog iskustva. (ELVIR BIJEDIĆ – Molim vas, isključili ste mikrofon). Ljudi vam izađu u susret. Daju vam neku snagu. Pomognu vam. I kad razmatramo izvještaj Komemorativnog centra moramo imati na umu da u gradu Tuzla postoji jaka konkurencija što se tiče ovih usluga. Većina stanovnika Tuzle koliko ja znam je član tamo Revde, plaća te naknade, tako da našem Komemorativnom centru ostaju mrvice po broju umrlih ljudi, al uspjevaju opstati, uspjevaju zahvaljujući i cijenama. Znači, opet čestitam direktoru i njegovom osoblju.

A TRŽNICE I PIJACE. Za ovaj izvještaj, ne možemo mi uticat. Vidite, došlo je do preseljenja stanovništva iz donjeg dijela grada prema Brčanskoj, Slavinovićima i gore dalje.

I ja vidim da je pijaca nekako Tržnica ova velika u gradu, nekako zamrla osim petkom. Ali ojačala Mala pijaca na Brčanskoj Malti. Tamo je veliki pritisak. Zna to menadžment, možda ići u nekom pravcu da se iznađe mogućnost proširenja Male pijace na Brčanskoj Malti.

Al šta je još uzrok nepopunjenosti pijace? A i mi smo svjedoci a i organi vlasti, kako općinski, tako i kantonalni, ovaj, pogotovo Inspekcije. Pa svaki dan su na ulici, na trotoarima, prodavci poljoprivrednih proizvoda i nema šta nema i prerađevina poljoprivrednih proizvoda od voća i povrća. Ljudi rade na cesti. Ne plaćaju nikom ništa. Pazaruju. I nisam ja da im se zabrani. Al treba ih uvest možda u ovaj sistem. I zato je, veći je broj prodavaca na ulicama nego u pijaci. Zato što moraju platit tu naknadu neku. Evo, Omer je dao neki prijedlog. Možda izać u susret da ljudi probaju malo da vide mogul opstat ako budu plaćali te režije pijaci da im se da neka povlastica i evo u tom pravcu. Uglavnom pohvale za sve danas. Onaj ko nije vodio firmu, ko se nije bavio privatnim sektorom, ne zna kolika sposobnost treba i požrtvovanost da bi opstalo jedno preduzeće u današnjem vremenu i u današnjoj konkurenciji i nelojalnoj i svakakvoj. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem kolega Jovanović. Sljedeći za riječ se javio vijećnik Miodrag Tanasilović. Izvolite.

**MIODRAG TANASILOVIĆ**

Zahvaljujem dopredsjedavajući. Evo iskoristit ću priliku da pozdravim direktore naših javnih preduzeća čije izvještaje danas razmatramo. Sa par riječi ću se osvrnuti samo, ovaj, bit ću dakle kratak na poslovanje i rad naših preduzeća koja, čije izvještaje danas razmatarmo.

Kada je u pitanju dakle JAVNO KOMUNALNO PREDUZEĆE VODOVOD I KANALIZACIJA, dosta toga je rečeno. Ja ću evo još samo još podvući, ovaj, da je to jedno od dva najbolja preduzeća u Bosni i Hercegovini iz ovog područja, a i šire i kao što kolega Zoran reče samo treba povući paralelu od prije nekih petnaestak, dvadeset godina. I danas kada imamo pitku vodu, ovaj, na usluzi 24 sata na dan je velika stvar.

Što se tiče preduzeća CENTRALNO GRIJANJE, i tu smo dosta vodili polemike i na sjednicama prije ove i svi smo svjesni, ovaj, da imamo, ovaj, najbolje centralno grijanje, ja mogu slobodno reć u Bosni i Hercegovini. Čestitam menadžmentu na dosadašnjem ulaganju i naporima da se to sve održi i nadam se da će tako biti i u budućnosti. Mi smo tu dakle kao Gradsko vijeće da im damo vjetar u leđa, potporu kad je u pitanju, ovaj širenje vrelovodne mreže.

Što se tiče KOMEMORATIVNOG CENTRA, evo takođe bilo je dosta riječi, ne bih, ovaj, da se ponavaljam, samo bi još dodao kada bude gotovo ovo novo Gradsko groblje, ja mislim da će, da ćemo imati, ovaj, groblje koje, s kojim ćemo se moći pohvalit i biti prepoznatljivi u cijeloj Bosni i Hercegovini.

Što se tiče TRŽNICA – PIJACE, po meni, ja mislim da imaju najviše problema u poslovanju i da im baš evo kao i što kolega Omer reče iz godine u godinu im je otprilike isti izvještaj što se tiče poslovanja i iz godine u godinu se osipaju dakle taj broj štandova koji su pod zakupom, i mislim da bi trebali da im pružimo neku potporu i šansu. Evo kroz, mi kao Gradsko vijeće i kroz par, ovaj, zaključaka, pa eto, ovaj, mogu samo pročitati ako nije problem:

Dakle, Gradsko vijeće Tuzla, ovaj, predlaže poduzimanje aktivnosti na izvršenju rekonstrukcije pijačnog prostora Istok, dakle Mala pijaca, a sve u cilju stvaranja boljih uslova za obavljanje djelatnosti na istoj, dakle, uređenje operativne površine, mogućnost natkrivanja dijela pijačnog prostora gdje se vrši prodaja poljoprivrednih proizvoda i tako dalje.

Također, Gradsko vijeće, drugi zaključak, predlaže razmatranje mogućnosti priključka pijačnog prostora Istok, Mala pijaca, poslovni i kancelarijski prostor na sistem daljinskog grijanja, odnosno na toplovodnu mrežu centralnog grijanja, a u cilju dakle poboljšanja uslova za rad zaposlenika društva, a i samih zakupaca.

Treći zaključak: Gradsko vijeće sugerije razmatranje mogućnosti pretvaranja dijela pijačnog prostora Simin Han, dakle, onaj neasfaltirani gore dio u poslovnu zonu, odnosno ili Inkubator ili eventualno davanje u najam poduzetnicima na duži vremenski period.

I moj četvrti, ovaj, zaključak bi bio: Gradsko vijeće sugerije razmatranje mogućnosti davanja u najam dijela pijačnog prostora Centralna gradska pijaca, dakle, onaj dio na kojem se desio požar nadležnom preduzeću koji se bavi upravljanjem parking prostora u gradu, a to je, ovaj, Javno komunalno preduzeće Saobraćaj i komunikacije Tuzla.

Eto toliko. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Tanasilović. Sljedeći za riječ se javio kolega Alen Ovčina. Izvolite.

**ALEN OVČINA – vijećnik Socijaldemokratske partije**

Hvala. Prije svega pozdravio bi sve vijećnice i vijećnike. Takođe, pozdravio bi i sva četiri ova izvještaja i naše direktore preduzeća i goste.

Osvrnuo bih se kratko na izvještaj CENTRALNOG GRIJANJA. U suštini to su samo riječi je li hvale. Ne bi nešto puno detaljno o finansijskom izvještaju. Pohvalio bi sigurno ovaj izvještaj i takođe pohvalio bi predan rad ovog preduzeća. Lično kad god sam uputio poziv, a on je upućen od strane građana meni prema Centralnom grijanju, nije bilo nekih nesuglasica i riješili smo tu neku situaciju svaki put u pozitivnom smislu.

Pohvalio bi i menadžment takođe Centralnog grijanja, jer je prethodna godina bila uspješna i vidi se da su poslovali pozitivno. Drago mi je i raduje me što mogu vidjeti da Centralno grijanje ima oko sto zaposlenih i što su u prethodnoj godini, da kažem, dobili 120 novih priključaka, tj. korisnika i nadam se da će ovaj broj rasti, prije svega broj zaposlenih, a takođe i broj korisnika. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem kolega Ovčina. S obzirom da smo iscrpili prvi krug. (NATAŠA PERIĆ – Ima Mirel). A ima još. Izvinjavam se. Kolega Mirel Mišković. Izvolite.

**MIREL MIŠKOVIĆ – samostalni vijećnik**

Zahvaljujem dopredsjedavajući. Evo ja bih imao samo jedno pitanje za Vodovod i kanalizacije, da mi dostavi odgovor iz moje prošlogodišnje diskusije. Ja nisam dobio pismeni odgovor na moju diskusiju, na pitanja koja sam postavio. Pa evo ja bi zamolio da makar u ovom izvještaju poslje njega dobijem taj odgovor. Eto.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Miškoviću. Sljedeći za riječ se javio kolega Mensur Alić. Neka se pripremi kolega Nikica, jel tako?

**MENSUR ALIĆ**

Zahvaljujem. Evo ja ću biti veoma kratak, pošto sam ja dugo o ovim preduzećima raspravljam, tako da neću o izvještajima... (ELVIR BIJEDIĆ – Molim vas Mensure, mikrofon samo). Kad su u pitanju ova javna preduzeća, mislim da, ja sam stalno govorio i to ponavljam i kad nisu izvještaji da mi imamo, ovaj, kad je u pitanju grad Tuzla jedna od najboljih javnih preduzeća i javnih ustanova u cijeloj Federaciji Bosne i Hercegovine. Zašto to govorim? Pa govori se da iz godine u godine sve su bolji rezultati i sve je tehnologija dalje napreduje. Ljudi jednostavno daju sve od sebe, kako bi ova preduzeća opstala. Evo, vi pogledajte samo u drugim gradovima, na koljenima su mnoga, mnoga javna preduzeća, a naši posluju i to pozitivno, pogotovo kad je u pitanju prethodne dvije godine gdje smo imali i Koronu virus, gdje su,

poskupilo je sve repromaterijal, gorivo, sve živo ostalo. Ja ne znam kako su oni uspjeli ekonomski da se održe, da opstanu u kakvom je stanju bila čitava država, pa i Evropa čak, kad je, jer je sve, ovaj, pogotovu drugi talas koji nas je zahvatio, a to je rat u Ukrajinu, agresija na Ukrajinu. Sve je to ekonomija u čitavoj Evropi i svijetu je padala, ali evo naša javna preduzeća su uspjela da opstanu, što je najvažnije na nama je da sugerišemo ono šta bi bilo dobro da dalje rade i da ostanu na, na putu na kojem jesu.

Posebno mi je evo drago da sam saznao da, ovaj, će u Gornjoj Tuzli ima veliki problem kad je u pitanju snabdjevanje vode. To je jedan, to je mreža koja je rađena prije 40 godina i cijevi su to stare, dotrajale, tako da evo ima već u narednom periodu je planirano da se gore radi nekih 400 metara novog cjevovoda, gdje puca stalno i što je, gdje je trotoar kompletan otišao i to mi je drago da će evo raditi na tome da to završi.

Ovo kad je u pitanju Anel što je napominjo kako da, da, da organizujemo ili da registrujemo ili da napravimo javno preduzeće koje će se baviti proizvodnjom asfalta, ja mislim da bi to trebali sjesti jedna grupa stručnih, ovaj, ljudi da sjedne i da razmotri na koji način bi to riješili.

Postoje dvije varijante na koje možemo to rješavati. Jedna moja, dobra je i tvoja ideja, ali možemo je zajedno uklopiti, zajedno napraviti. Ja mislim da bi najbolje bilo da Vodovod više ne radi, ovaj, ovo što je dosad radio, da se to prebaci na Komunalnu službu, kad je u pitanju ovaj krpiljenje tog dijela gdje oni prolaze sa novim cjevovodom i kvarovima ili da mi prebacimo održavanje kompletnih svih rupa u gradu koje se nam dešavaju, da prebacimo na Saobraćaj i komunikaciju, kao što smo uradili prije par godina kad smo prebacili, ovaj, održavanje rasvjete SIK-u i to se pokazalo izuzetno dobro sa malim troškovima i danas nemamo više onih zastoja koje smo imali, gdje nam se dešavalo da po tri mjeseca grad, pola grada ostane bez električne energije, zbog toga što tender nije prošao, neko oborio namjerno. To se dešava stalno i mislim da bi tu trebali napraviti jednu dobru analizu, sjesti i napraviti jednu analizu i donijeti najbolju odluku u interesu grada Tuzle, a naravno u interesu Vodovoda da njih oslobodimo ovog dijela. Oni prođu, urade svoj dio kad je njihova struka u pitanju voda i ostalo, a da neka druga ili javno preduzeće neko drugo, ali da ne bi osnivali javno preduzeće, mislim da je bolje, ali, evo da uzmemo struku u obzir da predloži šta je to najbolje rješenje da krenemo što u kraćem, ovaj, roku sa ovima, zato da nam se ne bi dešavalo stalno da nam se građani, ovaj, žale, da, da je prošao Vodovod, da je došlo slijeganje i tako dalje. To je po meni mislim, po meni jedno od dobrih rješenja, a i naravno Tržnice – pijace i ostala, ova Centralno grijanje Tuzla i to su preduzeća...

CENTRALNO GRIJANJE, o njemu neću da, ovaj, puno govorim, ono radi svoj posao idealno, dobro. Širi se mreža polako. Naravno, trebaće sad podrška i budžeta i Grada čitavog kako bi taj cjevovod. Oni svoj dio posla po zaključku Gradskog vijeća su već skoro će odraditi ubrzo kad su u pitanju projektna dokumentacija. Ostalo spajanje dole novog cjevovoda do Termoelektrane, a onda će bit na nama da vidimo kako obezbijediti finansijska sredstva da bi obezbijedili u narednih 40 godina snabdjevanje, ovaj, snabdjevanje građana sa toplotnom energijom.

KOMEMORATIVNI CENTAR, nisam ja mislim, jesam li pri kraju? Komemorativni centar ja jedva čekam, samo evo danas smo imali pitanje, kada će, ovaj, bit završeno dole Gradsko groblje. Mislim da Centralno grijanje tek onda će imati pune ruke posla, imaće bolje uslove za rad, imaće sve ono što je potrebno jednom, jednom modernom gradu kao što Tuzla postaje sa (ELVIR BIJEDIĆ – Komemorativni centar) u zadnju godinu dana jako dobro ide sa novim gradonačelnikom, koji je dao sve od sebe da ovaj grad promijeni u bolje. (ELVIR BIJEDIĆ – Hvala). Zahvaljujem.



**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Aliću. Sljedeći za riječ se javio kolega Nikica Vidović. Nek se pripremi kolega Hirkić. Izvolite Nikica.

**NIKICA VIDOVIĆ**

Eh, hvala. Pa meni ovako uvijek bude drago što mi ponovimo kako nismo imali vode, a sjećamo se svi dobro onih kanistera nad kadama i učestalih poplava i sličnih stvari, ali nemojte da nam to bude onaj sinonim što nismo prije dvajst godina imali vodu, a znamo da je voda riješena od gradske razine pa do države se tad urgiralo i znamo koncept kojim je navršeno, a nije baš tu Vodovod to tad riješio i tako dalje. Puno je ozbiljnija priča bila. I što mi je drago naravno i ne volim kad se o tome priča jel osnovno ljudsko pravo je da se...(Aid Berbić dobacuje s mjesta op.a.) (NATAŠA PERIĆ – Nemojte dobacivat). (ELVIR BIJEDIĆ – Molim vas). Ja bi zamolio da se ne dobacuje. (ELVIR BIJEDIĆ – Molim vas. Molim vas Berbiću jel? Molim vas nemojte s mjesta. Hvala). Ja znam da vi imate poseban tretman u Gradskoj upravi od strane načelnika, al ne morate to meni sprovođiti.

Drugo bi bilo moje pitanje. U Rapačama, rekli ste prije dvije godine da će onaj projektić neki biti riješen, da će pumpama voda sa glavnog puta u Rapačama biti prebačena prema Šimićima i drugo. Ja koliko znam evo u dvije godine se nije na tome uradilo i ja bi volio da mi evo pismeno se odgovori da li će to biti uskoro riješeno jer to ljudi čekaju već desetak godina, a znamo da ima razvedene cijevi, ima sve šahtovi, samo treba nekom vrstom pumpe u koju se svi bolje razumiju riješiti pitku vodu u 23-oj godini.

Ja bi napomenuo da vjerojatno ovaj gornji dio grada, to smo nekoliko puta pričali, da će se rješavati nekim bušotinama, Gornja Obodnica, Donja Obodnica, Breške, Lipnice, naravno odozgo kad se krene redom, ovaj, jer znamo da tu ni danas dan nije riješeno, da se pokušalo nekoliko puta prisvojiti vodovod koji su ljudi obični tamo sebi davno napravili, pa evo nadam se da će taj tri procentni dio isto, ovaj, nestati, tako da će biti 100% pokrivenost, ovaj, vodom i evo vjerujem da od te potrošnje pumpe, motori i naravno da će modernizirati u nešto novije sa manjom potrošnjom, što naravno, ovaj, sve srdačno pozdravljam. Toliko i hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Vidoviću. Odgovore ćete ako bude bilo dobit u pismenoj formi. Ispravka krivog navoda. Kolega Anel Ibeljić. Izvolite.

**ANEL IBELJIĆ**

Hvala. Evo kolega Nikica je započeo jednu misao koju nije dovršio, ali pretpostavljam, ovaj, šta je htio da kaže. Rekao je kako Grad nije zaslužan za to što je riješena redukcija vode, nego da su to viši organi. To naravno nije tačno. Javno komunalno preduzeće Vodovod i kanalizacija Tuzla je isključivo zaslužno za rješavanje problema redukcije vode u ovom gradu. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem. Replika. Kolega Vidović.

## **NIKICA VIDOVIĆ**

Možda se ja nisam dobro izrazio, ali nije bio samo Grad uključen, nego su, naravno tad se i preko Federacije, preko svega rješavalo i riješila se voda i Bogu hvala da je zajedničkim snagama tada riješeno i da o tome više ne pričamo nekih petnestak godina. To pozdravljam. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Replika. Kolega Mensur Alić.

## **MENSUR ALIĆ**

Pošto sam bio vijećnik u to vrijeme i dobro znam da smo na Vijeću donijeli odluku i digli kredit da bi završili, ovaj, konačno ukidanje redukacije u gradu Tuzla i prisustvo sam otvaranju tada još kolko je to godina, ne mogu ni ja tačno (ELVIR BIJEDIĆ – Replika. Zahvaljujem) petnest godina, da smo tad otvorili, ovaj, prečišćavanje vode na Husinu gore u tom dijelu. I to je prava istina i nemoj da se oko toga više, ovaj, vraćamo unazad.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Aliću. Replika. Kolega Anel Ibeljić.

## **ANEL IBELJIĆ**

Tu činjenicu oko redukcije vode treba isticati prilikom svakog izvještaja o poslovanju preduzeća Vodovod i kanalizacija, iz razloga što svi gradovi Bosne i Hercegovine imaju problema sa redukcijama osim sa Tuzlom.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem kolega kolega Anel Ibeljić. Sljedeći za riječ se javio kolega Hasib Hirkić. Izvolite.

## **HASIB HIRKIĆ**

Zahvaljujem dospredsjedavajući. Evo nisam mislio po tom pitanju, al mislim da je vakat bar onima nezahvalnima da se vratimo na kanistere i flaše, na izvorišta ili na cisterne, pa možda bi tada bilo malo sve drugačije i možda bi se drugačije, onaj, i, i, i ophodili prema ovom trenutnom stanju.

Nisam mislio, onaj, da komentarišem vezano izvještaje preduzeća. Ono što je napisano, ja mislim da je i više nego dovoljno. Pohvalio bi direktore. Pogotovo direktora Komemorativnog centra. I to vrijedi pomenuti. Tamo gdje se neće uključiti ni Islamska zajednica ni Revda, tu se uključuje direktor Komemorativnog centra, gospodin Faruk, čovjek koji je na svaki poziv tamo gdje je trebalo pomoći demobilisanim borcima i ljudima koji su ugroženi. Tamo pogotovo kad je u pitanju neka dženaza ili nešto da se dešava, tu je čovjek uvijek konkretan. Izlazio je u susret svima uz pomoć Gradske uprave. Mislim da je to nešto za

pohvalit. Pogotovo u ovom vremenu, tamo gdje je naj, najviše potrebna pomoć onim ljudima koji su tri, tri i po godine u ratu bili i koji su ostavljeni znači na milost i nemilost. Bar neko se u najgorem momentu evo sjeti i okrene da pomogne takvim ljudima. I to je za sve pohvale.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Hirkiću. Kako nemamo najavljenih u prvom krugu više. Otvaram drugi krug. Vijećnica Selma Čatibušić se prva javila za riječ. Izvolite.

**SELMA ČATIBUŠIĆ**

Ja ću veoma kratko što se tiče KOMEMORATIVNOG CENTRA. Voljela bih da se razmotri mogućnost i da mi se dostavi odgovor da li postoji uopšte mogućnost da se na neki način produži nadstrešnica u Komemorativnom centru, radi zaštite od sunca i od kiše.

I ono što sam uočila kada sam prisustvovala u određenih dženazama, sahranama nije ni važno, jeste da, OK mi koji smo pogotovo rođeni u Tuzli znamo kako ide redosljed, red za izjaviti saučešće porodicama. Međutim, na nekoliko prethodnih dženaza i sahrana koje su bile onako sa mnogo ljudi, došlo je do velikog komešanja. Na jednoj dženazi je čak pozlilo jednoj ili dvije osobe.

I voljela bih da se razmotri na neki način mogućnost pravljenja ako mogu tako reći nekog kao putokaza ili da se sa druge strane jednostavno na neki način, kako bih rekla, možda pregradi ili ne znam, napravi neka mogućnost da ljudi ne idu sa obje strane prilikom i da se sudaraju prilikom izjavljivanja saučešća, pogotovo zato što to dodatno stvara neugodnost na već teškom događaju i za porodice i za je li ljude koji su došli svakako koji se, koji žale za, za umrlim i za slično.

Tako da, nadam se da su me kolege razumile o čemu zapravo govorim. I eto da vidimo zajedno da li postoji mogućnost da se na neki način to nekako malo bolje uredi. Eto. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem kolegici Čatibušić. Replika. Mensur Alić. Izvolite.

**MENSUR ALIĆ**

Ja Selmu dobro razumijem o čemu govori, dobro je to Selma, ali prvo moramo sačekati da vidimo šta će, ovaj, kad će početi sa radom novo groblje i pitanje je šta će bit sa ovim postojećim tamo, ovaj, objektima, da to ipak, ovaj, urbanisti uradi svoj dio posla kako će i šta. Možda će se mijenjati i Regulacioni plan. Tako da sad, mislim da ne bi trebalo ulagati sredstva, ne bi trebalo ulagati sredstva sad dok ne vidimo dole, dok se ne pusti ovo novo groblje, pa ćemo onda vidjeti šta i kako i na koji način će to rješavati. Opet struka da rješava, a ne mi pojedinci. Hvala.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Mensure Alić. Sljedeći za riječ se javio vijećnik Omer Berbić. Izvolite Omere.

## **OMER BERBIĆ**

Hvala ljepo. Evo pošto ste te redukcije vode spomenuli. Također moram istaći da to nije projekat koji se radi godinu, dvije, tri. To je projekat koji se radio sedam, osam godina od 95-e, pa do 2002/2003. Kad se to završilo, ja znam da je meni i Selim, ovaj, pričao da su oni išli u Kanadu gdje su se, ovaj, takvu jednu vrstu postrojenja napravili, da su oni u to vrijeme gledali te membranske tehnologije, što je bilo, ovaj, naj veće tehnologije u to vrijeme i da je to projekat koji je dugoročno riješen i generalno treba biti zahvalan prvenstveno onima koji su započeli projekat, ali i onima evo koji su ga na kraju završili, a to je saglasnost koji su dali vijećnici koji su tada sjedili, ovaj, u, u, u Gradskom vijeću Tuzla, pa i onaj koji je na kraju presjeko vrpcu. Svaka čast svima. I činjenica je da je to projekat koji je završio, ovaj, redukcije vode, a i fala visočijim nivoima vlasti, jer visočiji nivoi vlasti moraju biti garant za bilo šta što niži nivo, nivo vlasti, ovaj, potpiše, iako 99.5% je zaslužno gradonačelnik, koji je tada bio, odnosno gradonačelnik bio ovaj...je nakon ovo Gradsko vijeće i Javno preduzeće Vodovod i kanalizacija.

Ja sam se javio ovdje čisto evo da završim misao takođe koja se ovdje ticala Komemorativnog centra. Ja mislim da je ovdje i Selma i gospodin Mensur u pravu i da na neki način treba možda naći neko prelazno rješenje i da se vidi s urbanistima možel se napraviti jedna nadstrešnica ukoliko nije ona projektovana na novom Gradskom groblju koja će biti mobilna, koja se može skinuti na neki način, prenijeti i tako dalje, jer stvarno gore je postao veliki problem, pogotovo na većim dženazama da se sjedi, da se stoji il na 40 stepeni il ćemo navjerovatnije sada biti u snijegu za par mjeeseci. Zato je mene i zanimalo evo na, na jednoj od prijašnjih diskusija kada će to Gradsko groblje doći? Kada će se ono završiti? Da li ima uopšte potrebe da se sada spominju nadstrešnice i ovo što je Selma govorila, trake i neki naši sugrađani, možda i nisu naši, ali državljanji su Bosne i Hercegovine, tu negdje okolo žive, pa ne znaju naš red i način na koji se, na koji se stvari rade gore ispred Komemorativnog centra, pa se napravi nepotrebna gužva i nepotrebna, kako bi reko, neki, neka vrsta haosa, ekcesa, na, na mjestima gdje to ne treba bude. Tako da evo ukoliko će se to novo Gradsko groblje doć do otvorenja zaista u proljeće. Nije ništa sporno, a ukoliko ćemo čekati još godinu dana il godinu i po il dvije, onda bi možda ta neka montažna nadstrešnica mogla na neki način riješiti, riješiti probleme. Evo to sam želio.

Neću zaključkom to definisati da ne bi došlo do neke mis komunikacije, pa da zaključak odbije, pa da ljudi misle da to nije prošlo, nego evo čisto moja sugestija da vidimo s menadžmentom, a menadžment ima od prošlog Vijeća inicijativu moju, mislim možda čak da je tu Hasib bio, ovaj, gdje smo mi upravo ovu nadstrešnicu pomenuli, il kroz inicijativu il kroz jednu od diskusija. Hvala ljepo.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Hvala kolega Berbiću. Kolega Alić. Izvolite.

## **MENSUR ALIĆ**

Ja bih samo htio da dopunim Omera da ipak Omere donesemo jedan zaključak da predložimo, ovaj, da dobijemo informaciju u što kraćem roku kada će biti završeno dio groblja novog i kada se mogu očekivati prvi ukopi dole i da onda poslije toga o ovome o čemu si ti govorio da onda, ovaj, vidimo šta i kako. Ipak da idemo sa zaključkom da dobijemo informaciju, pa ćemo onda staviti u tačku Dnevnog reda ako treba za uređenje tog dijela, ako će to duže trajati. (vijećnik Omer Berbić govori bez uključenog mikrofona op.a.). Da, da. Pa upravo to.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

OK. Hvala. To će biti, ovaj, zajednički zaključak Gradskog vijeća. Zahvaljujem. S obzirom da nema više prijavljenih, zaključujem raspravu i ukoliko ste za, da u paketu glasamo, ovaj, o svim (NATAŠA PERIĆ – Ne, ne u preduzećima...Hajd). Preduzećima, da, da. Neće moć. OK. Jedno po jedno. OK.

Stavljam na izjašnjavanje IZVJEŠTAJ O RADU I POSLOVANJU TRŽNICE-PIJACE DOO TUZLA ZA 2022. GODINU i pozivam vijećnike da se izjasne.

Glasanje je okončano.

Konstatujem da je IZVJEŠTAJ O RADU I POSLOVANJU TRŽNICE-PIJACE DOO TUZLA ZA 2022. GODINU usvojen sa

24 glasa za, nije bilo protiv i 1 suzdržan.

Sada stavljam na izjašnjavanje IZVJEŠTAJ O RADU I POSLOVANJU JAVNOG KOMUNALNOG PREDUZEĆA VODOVOD I KANALIZACIJA TUZLA ZA 2022. GODINU i pozivam vijećnike da se izjasne.

Glasanje je okončano.

Konstatujem da je IZVJEŠTAJ O RADU I POSLOVANJU JAVNOG KOMUNALNOG PREDUZEĆA VODOVOD I KANALIZACIJA TUZLA ZA 2022. GODINU usvojen sa

24 glasa za, nije bilo protiv i 1 suzdržan.

Sada stavljam na izjašnjavanje IZVJEŠTAJ O RADU I POSLOVANJU CENTRALNO GRIJANJE DD TUZLA ZA 2022. GODINU i molim vas da se izjasnite.

Glasanje je okončano.

Konstatujem da je IZVJEŠTAJ O RADU I POSLOVANJU CENTRALNO GRIJANJE DD TUZLA ZA 2022. GODINU usvojen sa

24 glasa za, bez sudržanih i nije bilo protiv.

Sada stavljam na izjašnjavanje IZVJEŠTAJ O RADU I POSLOVANJU JAVNOG KOMUNALNOG PREDUZEĆA KOMEMORATIVNI CENTAR DOO TUZLA ZA 2022. GODINU i pozivam vijećnike da glasaju.

Glasanje je okončano.

Konstatujem da je IZVJEŠTAJ O RADU I POSLOVANJU JAVNOG KOMUNALNOG PREDUZEĆA KOMEMORATIVNI CENTAR DOO TUZLA ZA 2022. GODINU usvojen sa

25 glasova za, nije bilo suzdržanih i nije bilo protiv.

Sada pozivam sekretara Gradskog vijeća da pročita zaključke koji su proizašli iz rasprave. Izvolite Slađo.

**SLAĐANA KRAJINA – sekretar Gradskog vijeća Tuzla**

Prijedlog zaključaka:

-Gradsko vijeće Tuzla traži od nadležne Gradske službe da provede studijsko istraživanje društveno-ekonomske opravdanosti osnivanja javnog preduzeća za proizvodnju asfalta.

- Gradsko vijeće Tuzla traži od menadžmenta Javnog komunalnog preduzeća Vodovod i kanalizacija Tuzla da poduzme aktivnosti na učestalijem čišćenju i održavanju odvodne mreže.

- Gradsko vijeće Tuzla sugeriše menadžmentu Javnog komunalnog preduzeća Vodovod i kanalizacija Tuzla da poduzme sve neophodne aktivnosti kako bi pokrivenost vodovodnom mrežom u Gradu iznosila 100%.

- Gradsko vijeće Tuzla traži od menadžmenta Javnog komunalnog preduzeća Komemorativni centar d.o.o. Tuzla i Službe za komunalne poslove, izgradnju i poslove mjesnih zajednica da intenziviraju radove na projektu izgradnje Gradskog groblja Drežnik.

- Gradsko vijeće Tuzla sugeriše menadžmentu Tržnice-pijace d.o.o. Tuzla da razmotri mogućnost korištenja usluga servisa „Korpa.ba“ ili „Glovo“, kako bi se na taj način pokušala unaprijediti prodaja.

- Gradsko vijeće Tuzla sugeriše menadžmentu Tržnice-pijace d.o.o. Tuzla da razmotri mogućnost izdavanja raspoloživih, a neiskorištenih kapaciteta novim zakupcima u zakup sa grace periodom 2 do 3 mjeseca.

- Gradsko vijeće Tuzla sugeriše menadžmentu Tržnice-pijace d.o.o. Tuzla da se preduzmu aktivnosti na izvršenju rekonstrukcije pijačnog prostora “Istok - mala pijaca” a sve u cilju stvaranja boljih uslova za obavljanje djelatnosti na istoj.

- Gradsko vijeće Tuzla sugeriše menadžmentu Tržnice-pijace d.o.o. Tuzla da se razmotri mogućnost priključka pijačnog prostora “Istok - mala pijaca” (poslovni i kancelarijski prostori) na sistem daljinskog grijanja odnosno na toplovodnu mrežu – centralno grijanje, a u cilju poboljšanja uslova za rad zaposlenika i zakupaca.

- Gradsko vijeće Tuzla sugeriše menadžmentu Tržnice-pijace d.o.o. Tuzla da se razmotri mogućnost pretvaranja dijela pijačnog prostora Simin Han (neasfaltirani dio) u poslovnu zonu/inkubator odnosno davanja u najam poduzetnicima na duži vremenski period.

- Gradsko vijeće Tuzla sugeriše menadžmentu Tržnice-pijace d.o.o. Tuzla da se razmotri mogućnost davanja u najam dijela pijačnog prostora “Centralna gradska pijaca” (dio na kojem se desio požar) nadležnom preduzeću koje se bavi upravljanjem parking prostora u gradu Tuzli - Javno komunalno preduzeće Saobraćaj i komunikacije Tuzla.

- Gradsko vijeće Tuzla traži da se u što kraćem roku dostavi informacija kada će biti završen dio novog Gradskog groblja Drežnik i kada se mogu očekivati prvi ukopi, te šta se planira sa postojećim prostorom Komemorativnog centra.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zahvaljujem. Sada stavljam na izjašnjavanje zaključke koje je pročitala sekretar Gradskog vijeća i pozivam vas da glasate. (NATAŠA PERIĆ – Samo malo. Samo malo. Mensur.). Izvinjavam se. (vijećnik Mensur Alić govori bez uključenog mikrofona op.a.). (SLAĐANA KRAJINA – Vjerovatno sam propustila. Hoćete li samo reći o čemu se radi, pa da...) Možete, možete, uključite mikrofona Mensure.

**MENSUR ALIĆ**

Radi se o da se razmotri način kako da se skine sa Vodovoda da oni ne rade, ovaj, asfaltiranje dijela ono o čemu je Anel govorio, nego da se to da Komunalnoj službi ili da se prebaci na, ovaj, Saobraćaj i komunikacije da, ovaj, oni rade taj dio posla (SLAĐANA KRAJINA – Ali, Anelov je bio zaključak...). Za asfalt samo. (NATAŠA PERIĆ – Jest. Pa evo dopuna). (ELVIR BIJEDIĆ – Samo možda dopuna). Pa naravno. O tom sam i mislio. Tako je. Tako sam i mislio.

**ELVIR BIJEDIĆ - zamjenik predsjedavajućeg Gradskog vijeća Tuzla,  
-vijećnik Socijaldemokratske partije**

Zaključili smo raspravu. Izvinjavam se. Izvinjavam se. Samo malo Zorane. Izvinjavam se. Obzirom da smo zaključili raspravu, nema rasprave više. Ovo je bila sugestija zato što kolega vijećnik Mensur Alić je primijetio da je propušten jedan momenat u zaključku samo. Samo iz tog razloga je, ovaj, kao poslovničku, ovaj reagovao, dakle, a obzirom da smo zaključili raspravu molim vas...samo u paketu dakle sa ovim zaključkom (MENSUR ALIĆ – Da se razmotri, da struka razmotri na koji način je to najbolje riješiti. Evo, to je to). Hvala ljepo. Hvala ljepo. To ćemo dodat, ovaj.

Nastavljamo glasanje, dakle, pozivam vas da se izjasnite o zaključcima koje je pročitala sekretar Gradskog vijeća.

Glasanje je okončano.

Konstatujem da su zaključci koje je pročitala sekretar Gradskog vijeća usvojeni sa 24 glasa za, nije bilo protiv i nije bilo suzdržanih.

Prelazimo na sljedeću tačku Dnevnog reda:

**RAZMATRANJE IZVJEŠTAJA KOMISIJE ZA IZBOR I IMENOVANJA**

Zamoliti ću Sekretara Gradskog vijeća da nam pročita...(NATAŠA PERIĆ – Malo tišine molim vas. Još malo.) Samo malo strpljenja molim vas i pozivam vas da se vratite u klupe. (SLAĐANA KRAJINA – Samo mikrofona Mensure.) Mogu li vas zamoliti mikrofona Mensure samo. Hvala.

**SLAĐANA KRAJINA – sekretar Gradskog vijeća Tuzla**

Komisija za izbor i imenovanje je dostavila izvještaj sa sjednice održane 30. 08. 2023. godine.

Komisija za izbor i imenovanje je razmatrala prijedlog Senada Mehmedinovića, vijećnika PDA - Pokreta demokratske akcije, za izmjenu člana Komisije za ekonomske odnose, te usvojila sledeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjanje upućuje prijedlog Senada Mehmedinovića, vijećnika PDA - Pokreta demokratske akcije, da se:

- Sanela Jurišić razrješi dužnosti člana Komisije za ekonomske odnose,
- a da se na dužnost člana Komisije za ekonomske odnose izabere Sabina Ademović Džambić.

**ELVIR BIJEDIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Molim vas da se izjasnite po pročitanoj prijedlogu. Glasanje je okončano. Konstatujem da je pročitani prijedlog dobio potrebnu većinu sa, 22 glasa za, nije bilo suzdržanih i nije bilo protiv.

Sljedeći prijedlog:

### **SLAĐANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Senada Mehmedinovića, vijećnika PDA - Pokreta demokratske akcije, za izmjenu člana Savjeta Mjesne zajednice Slavinovići, te je usvojila sledeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjanje upućuje prijedlog Senada Mehmedinovića, vijećnika PDA - Pokreta demokratske akcije, da se:

- Enisa Beganović razrješi dužnosti člana Savjeta Mjesne zajednice Slavinovići,
- a da se na dužnost člana Savjeta Mjesne zajednice Slavinovići izabere Senad Ikanović.

### **ELVIR BIJEDIĆ – zamjenik predsjedavajućeg Gradskog vijeća Tuzla, - vijećnik Socijaldemokratske partije**

Pozivam vijećnike da glasaju. Glasanje je okončano.  
Konstatujem da je pročitani prijedlog dobio potrebnu većinu sa,  
21 glas za, bez suzdržanih i nije bilo protiv.  
Sljedeći prijedlog:

### **SLAĐANA KRAJINA – sekretar Gradskog vijeća Tuzla**

Komisija za izbor i imenovanje je razmatrala molbu Kluba samostalnih vijećnika za ispravku Rješenja o razrješenju članova Savjeta Mjesne zajednice Dragunja, te usvojila sledeći zaključak:

Komisija za izbor i imenovanja predlaže Gradskom vijeću Tuzla da se, zbog greške u prezimenu prilikom dostavljanja prijedloga za razrješenje članova Savjeta Mjesne zajednice Dragunja, izvrši izmjena Rješenja o razrješenju članova Savjeta Mjesne zajednice Dragunja, broj: 01/04-A-11259-2023 od 10. jula 2023. godine, na način da se u tački I Rješenja redni broj 2. mijenja i glasi: Hazim Husemanović.

### **ELVIR BIJEDIĆ – zamjenik predsjedavajućeg Gradskog vijeća Tuzla, - vijećnik Socijaldemokratske partije**

Pozivam vijećnike da glasaju. Glasanje je okončano.  
Konstatujem da je pročitani prijedlog dobio potrebnu većinu,  
21 glas za, nije bilo protiv i nije bilo suzdržanih.

### **SLAĐANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Kluba samostalnih vijećnika za izmjenu člana Komisije za saradnju sa jedinicama lokalne uprave i samouprave, te usvojila sledeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjanje upućuje prijedlog Kluba samostalnih vijećnika, da se:

- Ajdin Softić razrješi dužnosti člana Komisije za saradnju sa jedinicama lokalne uprave i samouprave,
- a da se na dužnost člana Komisije za saradnju sa jedinicama lokalne uprave i samouprave izabere Dragan Božić.



**ELVIR BIJEDIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da glasaju. Glasanje je okončano.  
Konstatujem da je pročitani prijedlog dobio potrebnu većinu,  
22 glas za, nije bilo protiv i nije bilo suzdržanih.

Molim vas za sljedeći prijedlog:

**SLAĐANA KRAJINA – sekretar Gradskog vijeća Tuzla**

Komisija za izbor i imenovanje je razmatrala prijedlog Mirela Miškovića, samostalnog vijećnika, za izmjenu člana Komisije za mlade, obrazovanje i sport, te usvojila sledeći zaključak:

Komisija za izbor i imenovanje je razmotrila, te Gradskom vijeću Tuzla na izjašnjanje upućuje prijedlog Mirela Miškovića, samostalnog vijećnika, da se:

- Damir Muratović razrješi dužnosti člana Komisije za mlade, obrazovanje i sport,
- a da se na dužnost člana Komisije za mlade, obrazovanje i sport izabere Redžep Muratović.

**ELVIR BIJEDIĆ – zamjenik predsjedavajućeg Gradskog vijeća Tuzla,  
- vijećnik Socijaldemokratske partije**

Pozivam vijećnike da glasaju. Glasanje je okončano. Izvinjavam se. Glasanje je okončano.

Konstatujem da je pročitani prijedlog dobio većinu,  
22 glas za, nije bilo protiv i nije bilo suzdržanih.

Sladana nema više? (SLAĐANA KRAJINA – To je.) To je to. Zaključili smo dakle, dvanaestu tačku Dnevnoga reda.

Trinaesta tačka Dnevnog reda:

(NATAŠA PERIĆ – Samo malo.)

Samo molim...Molim vas samo malo strpljenja.

Nije bilo prijedloga koji bi se razmatrali u okviru ove tačke Dnevnog reda.

Zahvaljujem se vijećnicima, predlagačima i obrađivačima materijala i zaključujem 30. sjednicu Gradskog vijeća Grada Tuzle. Hvala.

(S obzirom da je Dnevni red iscrpljen i 30. redovna sjednica Gradskog vijeća Tuzla zaključena ista je završena u 15:11 sati.)

**STENOGRAM SAČINILI:**

**P R E D S J E D A V A J U Ć I**

**Selma Šehić**

**Nataša Perić, prof. s.r.**

**Jasminka Delalić**